


真西山集

四十八之五十




青詞 疏語

			一〇	漢書門類
		二七	二六	
	一三	三函	號	
一八	冊			

內閣文庫			
三六		百二十七	漢書
函		六	
七	八	冊	號
架			類

內閣文庫		
番號	漢	10276
冊數	18 (17)	
函號	316	26

十六




山山先生真文忠公文集卷第四十八

青詞

江東祈雨青詞

嘉定九年五月

梟獍為虐將貽卒歲之憂昊天曰明願軫斯民之苦
 敬憑法醮冀達危誠竊念江東實連淮甸開禧兵釁
 流徙最多嘉定年飢死亡相踵屬者豐穰之屢應居
 然凋瘵之未瘳迺自暮春以來久愆時雨之潤川源
 斷港阡陌揚塵宿麥既枯將奚續食新秧未孰敢望
 收成靜言蠶氣之傷和端自微臣之夫政凡有菑咎
 宜加不肖之軀忍使生靈塗炭惟冀天之厄惟妙造幹



旋之甚易幸至秘憫之亟施沛然三日霖救滋
一道之命控忱以告得請是期

茅山祈雨青詞

五月不雨益深亢旱之虞百姓何辜時大有秋之望
敢殫危懼仰蓋穹旻伏以大江之東民生素瘠開禧
而後天變荐臻旱蝗饑饉者四三年餓莩流離者千
萬計幸高明之專祐獲豐稔之相仍然田疇蕪廢之
尚多而倉廩蓋藏之甚寡故雖樂歲猶或咨嗟脫
將奚振救公私共患寢食靡遑用藏敬於名山
以投誠于上帝殄除妖魃不降甘霖吏之不良因

逃外顯罰民焉可憫願亟被於至仁瀝懇興辭鞠躬
聽命

下元水府祈雨青詞

艱食是虞一非望雨救民無術惟有呼天載念常賜
之蓄莫如茲歲之酷自春徂夏其霖未浹者累旬由
江暨淮赤地始踰於千里種植之工盡廢螟蝗之孽
將興井無可汲之泉粟有驟騰之價皇矣上帝本垂
溥博之恩今此下民將履困窮之極願回哀愍游賜
滂沱以全大造覆育之功以拯群生朝夕之命茲為
忱禱尚冀矜從

母疾愈醮謝青詞

莫親乎母實為命以相依蓋高者天惟盡誠而可動
比迎慈壺就養公庭屬當垂暮之年偶得瀕危之疾
呼醫未效舉室如狂一心蕪造化之垂仁百拜望星
辰而致禱願損臣身之筭以延母氏之齡鑪熏之燼
未消囊藥之功已應豈繫人力曾荷神庥是用祇命
羽流肅陳寶醮以謝再生之造以祈方至之祥曰壽
曰康期亦饗春秋之永爰清爰靜當愈爰香火之修

立冬日祈禳青詞

十月七日也至十七夜
有紫微垣宮室之變

民生多艱莫如所部歲事不稔未有今年始則烈日
歆焚欲焚而莫可繼則飛蝗荐食雖種而亦空于今
田野之間已多溝壑之瘠張頤行哺蓋尚餘數月之
期發廩勤分未足延一旦之命惟冀土天之仁愛俯
矜下土之困窮方冬而賜積雪之祥及春而佈甘霖
之澤使小大之麥既秀且蕃而高下之田及時以懇
至於掃除疫癘之氣蕩滅蠱螟之妖悉賴至仁密回
洪造庶幾有眾咸獲更生臣猥以駑材繆將隆指自
慚無術可救元元之苗獨有誠竭期動高高之聽

丙子立春日設醮為母祈福青詞

天下之樂莫如以祿而及親人子之情尤欲其親之
難老敢瀝由衷之懇冒干播物之仁伏念臣母吳氏
某早歷艱勤晚膺榮養郊堙覃霈被恩命者再三歲
曆推移候春秋之七十粗獲康寧之喜悉由覆壽之
恩今者令佈勾芒日逢甲子當萬歲泰道之會肇兩
儀發育之功惟盛德之主生實從茲始為慈闈祈福
宜在斯時載演冲科肅延真馭仰冀昭昭臨下之鑒
俯矜區區念母之誠俾壽而昌長享承顏之奉及人
之老敢忘錫類之心

上元節設醮青詞

六沴相乘雖陰陽之定數一民失所豈天地之本心
厲者早曠之餘繼以蝨蠹之孽蕪廢不耕者凡數千
里困窮無告者逾百萬人公私之力易殫振恤之恩
難徧賴高穹之悔禍戾令有衆之更生今者四序闔
端三微肇始磬一心而歸敬為百姓以致祈曰雨曰
暘冀均調而不悖我黍稷我稷俾種植以及時麥秋全
載獲之功蠶月有倍收之喜其於造化不費咄嗟嘘
吸之功而彼生靈獲免饑孳流亡之苦茲下愚之至
望亦上聖之樂聞敢瀝忱誠願回昭鑒

丙子芒種謝麥穰蝗青詞

伏以宿麥登場方欣續食遺蝗出土復慮挺畱蓋當
公私赤立之除豈堪飢饉存臻之苦幸帝命以來年
之錫俾民生均一飽之歡所期播植之是時度保豐
穰之可望儻螟螣蝥賊或遂蕃滋則黍稷梁粃皆將
殄瘁此有衆所以驚呼而相弔而微臣所以恐懼而
靡惶顧人力驅撲之甚難惟天意轉旋之孔易願因
大造申勅群靈丕降其霖坐底驕陽之伏秉畀炎火
永無遺育之存瀝懇投誠鞠躬請命

六乙醮祈雨青詞

八政所重食最為先一歲不登民猶告苦况新罹於

大歉咸共俟於小康豈虞七八月之間復有方千里
之旱山川之雲欲合膚寸即離溝澮之水雖盈斯須
已竭穰成將者稿白苗方秀者萎黃詎堪凋瘵之餘濟
失豐穰之望私室之蓋藏甚寡曷保生全公家之儲
恃又空將奚賑卹夙宵在念震懼靡惶非仰祈高穹
覆憐之恩殆立見饑莩流離之禍敬陳寶醮肅按冲
科瞻紫微太乙以輸誠為赤子黎元而請命願敷潤
澤亟起焚枯以昭善教之仁以解倒垂之厄

太乙醮祈雨青詞

樂歲可期遽罹七月之旱驕陽甚熾俄為三日之霖

仰大造之至神與亟生而共戴惟上下之憂莫逾於
艱食而古今之患尤甚於游飢臣猥奉寬條適逢大
歉騰赤子困窮之衆幾至流離賴清朝賑恤之優僅
能全活政需一稔庶保更生而自入新秋久愆甘澤
山川之祠雖徧雲雷之施教屯一心蘄洪覆之垂仁
百拜望紫垣而致禱精誠甫罄膏澤已敷掃妖魃於
方張起良苗於將橋儻非上帝好生之德孰拯下民
沾死之苗敬上剛辰載陳寶醮以謝曲成之賜以祈
終惠之恩曰雨曰暘願常臻於協順有黍有稷俾咸
遂於豐登庶令凋瘵之昨浸躋富壽之域控忱以告

從欲是期

嘉定丙子秋建康旱大田龜折苗且稿死

七月丙戌用道家法醮太乙於賞心亭是日暹明陰翳時有小雨空濛如絲遙望鍾阜諸山雲色滃墨近夜雨稍大而風力將怒震撼戶牖皆鳴雨禁止越翼日丁亥晴色愈熾夜邀天文生范其姓者相與仰觀星漢范曰月行度太高雨未可冀也丙夜具衣冠望紫微垣齋粟百拜以祈戊子夙興星斗爛然至暮雲氣益薄亡巖章蒸潤意晚上香宣詞磬折神位前默禱良久退即帝爇休候兵忽眼瞿來告曰雨作矣起視簷間瀟瀟如噴玉醮羅乘雨以歸四鼓後益滂霖自是歲大兩摘苗復茂歲已有秋嗚呼以某之庸駕何敢言格天事無惟幽明精禋之交一念貫徹誠有不可誣者蓋自是益知暗室屋漏之不容欺而戰兢臨履之誠沒吾身而後已可也自警言云

為毋醮星青詞

天覆物以無私福豈容於倖致子為親而有禱情益

出於可憐願垂臨下之仁俯察曲衷之懇伏念臣母
太宜人吳氏某艱勤初載憂患半生祿雖及而年浸
高未極劬勞之報疾常多而安日少每深危懼之懷
北輶日者之言載考星經之運謂不無於屯否當豫
至於祈禳重以微蹤屬將滿秩計其行役之際必在
祈寒之時道途有風霧之侵舟楫有波濤之險非藉
生成之造曷臻康泰之休今老節紀下元日臨甲子
肅醮儀而歲敬為母氏以控忱冀誠懇之嘿通俾壽
齡之增衍承顏順色永諧定省之歡登高臨深悉克
顛濟之厄

丁丑上元設醮青

詞時已改除泉州
未離江左

伏以天為群物之祖本覆育以無私春者四時之先
乃發生之自始敢為民而致請冀錫福之惟均惟江
左之承平素稱饒樂自開禧而至今日浸益瘡痍戶
口耗於兵革之餘財力殫於飢饉之後都會之繁華
未復矧曰陋邦豐穰而愁嘆相聞况乎歎歲臣自叨
將指每極寒心所愧駕材曾篋村綏之術惟祈洪造
曲垂矜憫之私因歲序之更端肅奏儀而藏敬仰祈
道蔭俯拯民艱三登曰太平盡銷水毀木飢之沴百
樂生治國漸還家給人足之風

泉州入宅青詞

伏以便鄉假守叨被君恩將母之官獲修子職敢殫
微悃僭竇至仁伏念臣本以蠢愚曾微能解平生行
已不敢為持祿干進之謀一念通天粗知以濟物及
人為事甫上江孺之節更分海上之符昔者稔聞號
稱饒樂之地今為寢異頗多窮悴之昨當入境之云
初已炷香而自誓願堅潔白公勤之標一洗貪婪媮
惰之風丹衷甚明白日可照然而身健始能任職家
安乃可憂人爰即公庭載陳法醮仰祈赫赫之監俯
察區區之誠錫慈母以壽康俾盍門之安吉庶幾不
肖盡忘內顧之虞當竭菲才一惟民隱岷有臨在上
此志敢渝

太乙醮青詞

長人是職實深憫雨之懷銷變無方但切籲天之懇
敬憑法醮祇控忱辭言念溫稜乏可耕之壤雖當樂
歲尚多艱食之民况自頃年以來游羅積滂之患公
私共困愁嘆相望臣猥以菲材甫茲假守志期阜俗
方勉效於撫摩政篋召和乃遽愆於潤澤夙宵自省
寢食靡寧雖甘露之屢沾而大田之猶稿肆消良日
載演冲科瞻紫微太乙以輸誠為赤子黎元而請命

仰祈聖造俯鑒愚衷惟望歲所以望霖惟憂民所以
憂旱赦其煩瀆賜以矜憐兩施雲行願亟臻於溥洽
家給人足庶共樂於和平

天慶觀祈雨青詞

臨民而思裕民莫急豐穰之願得雨而復望雨實由
真切之誠輒貢忱辭僭干洪造伏念臣猥叨誤渥擢
守便州初無善政以慰群情但有過舉以傷和氣故
於蒞事之始即致亢陽之苗朝夕省愆殆如焚灼雲
霓在望何啻涸飢亟蒙覆物之仁滂降及時之澤平
壤已聞於沾洽高田猶慮於隳枯爰即真宮敬陳法

醮冀垂矜憫更賜滂沱百谷用成迄遂有年之
民乃粒允足熙矣之一安

謝雨青詞

伏以累旬苦旱寔深歲事之憂一雨過宵均被神功
之施以欣以感且謝且祈伏念臣本乏技能繆司牧
養自慚稅政致鑿陰陽之和屢罄精誠冀回天地之
鑑仰蒙赦宥俯賜矜憐蠲石興雲俄陰威之亟變隨
風入夜倏膏液之潛湧少寬艱食之虞允荷大生之
德然而旱乾既久潤澤未深成始成終政有祈於妙
造載沾載足願更賜於甘霖諒惟覆育之仁何愛呵

嗑之力

上元設醮青詞

節名錫福敢萌微福之私職在長民當致為民之禱
仰祈穹昊俯鑒忱衷切念清源夙稱樂土珍竒畢集
近聯七邑百萬家生聚實蕃遠控重溟數十國粵從
近載頗異前聞稽天之潦相仍被災者廣浮海之商
罕至失業浸多臣自玷承流每勤卹隱雖摩撫當殫
於人力然幹旋實賴於化工敬卜剛辰肅陳法醮願
鸞載生成之大造盡除水旱癘疫之災舟楫安行有
風后川祗之助室廬永保無祝融回祿之驚庶令烟

祭之昨復獲阜康之樂

為民祈安設醮青詞

天令或愆馴致札瘥之害民生何辜重罹天閼之傷
念忝在撫摩殆不勝其憂惻遣醫餽藥常切關心遺
粟散緡曾無虛日雖勉修於人事終未弭於天災是
用虔抒丹誠仰於淵聽以仁救厄願推慈憫之恩變
盥為和亟賜嗑呵之力

太夫人誕辰設醮

天覆物以無私固豈容於微福子為親而有請庶可
冀於垂仁敢慮一喜一懼之情庸致三沐三熏之禱

伏念臣母吳氏早罹憂患晚被寵榮烏哺雖勤未報
劬勞之德駒陰甚迅浸驚遲暮之齡顧華髮之蕭然
每卅稟之惕若若屬新元之肇始且誕日之載臨肅
演真科虔祈道蔭增壽祺於有永膺福祉於無疆居
高聽卑願鑒惓惓念親之悃舉此加彼敢忘老老及
人之心

捕獲海寇設醮青詞

海邦寧謐忽驚劇寇之侵天道昭明旋告戎功之捷
妖氛頓掃鴻覆何窮伏念臣自玷藩官每勤綏撫方
虞俗共由於安靜之中豈意群兇猝至於防閑

走賊凡艦幾千人之衆距城闔纔百里之遙
師分屯川陸威聲既震吉語踵聞首惡當懲用正
鯁之戮脅從可貸忍爲玉石之焚鄉非獲助於穹昊
豈易收功於旬浹肆憑法醮祇控謝忱尚祈遺孽之
悉平庶俾後虞之永熄四郊按堵各安耕鑿之餘萬
賈連播如行枕席之上

中元節清源洞設醮

中元令序實惟敷宥之辰上聖至仁不厭爲民之禱
敢因祗謝載控悃辭伏念臣猥以迂愚獲司牧養有
民有社常獨抱於隱憂日雨日暘乃幸臻於時若高

下之田咸稔公私之慮少寬豈云昭格之能端自由
成之造肆陳淨醮祇薦微衷尚惟晚種之頗多更賴
化功之垂軫自今以始冀獲屢豐之穰所欲必從敢
辭三瀆之謹

生日青詞

母恩甚大欲報何窮天聰雖高惟誠能動輒抒丹素
備瀆穹旻伏念臣繇一介之至愚賴二親而有立悲
深陟岵徒追慨於父慈禮謹循陔幸粗諧於母養茲
臨誕日載惕微衷念長育成就以至于今豈保抱携
持可忘所自載陳寶醮祇按冲科華髮高堂願增

壽齡之固春暉寸草庶永處于職之共巨無任

清源洞祈雨青詞

歲以稔聞已拜高穹之賜雨弗及時至又聞下土之
咨輒恃至仁敢陳微悃臣聞詩播貽牟之頌史嚴無
麥之書蓋於五穀之中此為最重必備四時之氣乃
克有成儻乖呂令之期難擬崆峒之熟今者仲冬將
屆嘉澤尚愆未耕者既阻於翻犁已種者又震於集
巷秋收百畝僅醫眼下之瘡夏秀兩岐殆類中流之
楫此而失望誠可深悲仰祈大造之慈俯拯細民之
苦寸雲觸石冀亟示於威神三日為霖庶均沾於膏

潤控忱以請從欲是祈

清源洞設醮祈雨青詞

愆陽頗甚慮二麥之失時法醮載陳為三農而致禱
方虔恭而俟命俄霹靂以通宵豈愚誠足以動天繇
聖造存乎濟物然而旱乾頗久既又潤澤未敷下田
雖幸於沾濡高壤尚遲於播植敢辭再瀆府控一忱
沛其靈以及時願終大賜貽來牟而率育共載洪恩

雲榭祈雨青詞

月紀仲冬宜寒而燠氣臨大雪欲雨而暘繇郡政之
此致天行之失序性忱雖切濡澤尚愆雲榭今而

輒離風漸休而旋作麥苗將槁并汲復艱近而有
場之愚遠則有札瘥之患惕然朝夕殆若燬焚用瀝
懇於高穹冀興憐於下土瑞雲積地非所敢祈其霑
連朝願言適應使有黎安生而可望則以身器咎而
弗辭稽首投誠鞠恭聽命

清源洞

冬而禱

雨蓋前比之年聞誠則通天賴至仁之易感

初霏散

而潤物旋霽霈以通宵百井泉井溢於既涸

之後千畦麥秀蔚然將槁之餘儻非上聖之興慈孰
俾下民之蒙澤載沾載足已式慰於群情成始成終

更有祈於法力

太夫人誕辰設醮青詞

天鑒非遙惟盡誠而可格母恩甚大愧欲報而未能
輒慙愚衷僭干穹聽伏念臣母大恭人吳氏法名早
更憂患晚被恩榮養泊千鍾粗謹清溫之職年逾七
袞實深喜懼之懷念非控請於叢霄何以尊迎於景
貺惟春令闔端之始肇陽和生物之功祇被瑤壇宣
揚藥笈仰冀慈仁之造俯垂覆幬之恩俾壽而臧長
享承頽之樂及人之老敢忘錫類之心

安奉離明殿青詞

承流宣化所庶庶俗之安消變弭留全仗高靈之
顧此阜蕃之郡且居炎燠之方每終夜以深思懼融
風之易煽雖人爲當勉已粗謹於隄防而天意難知
冀潛回於溟漠爰即棲真之宇載新執法之宮消良
日以奉安瀝丹誠而叩懇仰祈妙造大庇函生擊壤
相歡均被簡簡穰穰之祉聚廬託處永無謔謔出出
之驚

東嶽清源洞祈晴青詞

臣聞民之可憫無若良農物之難成莫如嘉穀自始
秧而至既穗非膏澤無以滋其生迨垂穎而及登場

非烈日無以堅其實惟均節而不或斯順成而靡虧
越從春夏以來幸適陰陽之叙今歲將大熟而雨則
過多田野之壑至於溢流町畦幾於冒沒啓然待哺不勝
情壞於垂成必非穹旻之意敢抒誠懇虔懇
高靈伏望憫其終歲之勤勞賜以兼旬之明霽百里

九十何求也
以全甫田之取十千庶豐年之

可必

寺觀設醮謝晴青詞疏語

雨以潤物過乎度則為雷天維子民哀其窮而必救
疏云其霖本以潤物過則為災諸佛切於念民窮必救比以連陰之沍凜乎

稼之憂奔走有新且谷如響劃重雲而見白日六合
清新弭駭浪而為安派百川順德仰至仁之屬感戴
鴻施以何窮屬而收穫之期不厭晴明之久崇墉新
積願克保於歲功擊壤均懽其敢忘於帝力疏作佛力
寺觀謝晴青詞疏語

嘉穀告登既卜有年之慶連陰不已遽為積潦之苗
不勝朝夕之憂亟扣乾坤之造賴神功之密運疏云不勝
林迫之情亟扣慈悲之造賴威神之密運俾霽景之遄開波漲平疇昔幾
壞於垂成之頃雲屯高廩今獲全於將失之餘愁嘆
頓舒歡欣相告用是肅陳淨供疏云淨祇薦微忱曰雨

曰賜願益臻於時若有稷有黍更期遂於秋成

代料院作生日設醮青詞

年開八袞迫暮景於西山誠竭一心扣至仁於北極
敢憑法醮庶達愚衷伏念臣資稟甚庸志念多雜義
利雖嘗早辨而私欲易以移人孝問非不究心而踐
履未能中道越繇近載浸悟昔非仰蒙善貸之恩俯
賜曲成之造無攝生之術而獲晚景之粗安無教子
之方而叨世科之相襲祠館竊罔功之祿郎闈陞同
正之員靖循僥幸之原悉自穹窿之覆肆當誕日肅
發真科至敬無文蕭假藉繁之萬世慈方感華全控

樨之生... 連之潛消而餘齡之增... 常刀園新
善期補養愆味太上至道之言不忘朝夕踐昔人方
便之戒以訓子孫臣無任

仙遊山謝雨詞

輕生嗜闔莫如南浦之民足食安居尤切西成之望
嗟亢旱歷時之甚久幸甘霖入夏之甫均方力穡之
惟勤俄兼旬之不雨平疇雖種恐立致於焦枯高壤
未耕幾盡成於蕪廢惟鄉俗人情之易動殆山川風
氣之使然斗粟之價稍騰奪攘且起百畝之收或失
愁嘆奚堪方共啓於微忱欲抑祈於大造深仁易感

美澤遍敷阡陌相望化龜坼而為膏潤室家胥慶易
狼顧而為歡忻爰即仙山肅陳法醮以謝曲成之賜
以靳終惠之恩二氣均調迄底豐登之樂四民咸裕
漸還醇厚之風

仙游山建醮青詞

昔胡相而分閭深愧非材瞻霄極以陳情冀蒙宏覆
伏念某 奮由寒賤本極凡庸敢圖坯冶之恩疊冒科
名之寵 入禁從出奉詔條論功曾篋於鏘銖積累
已逾於 立事致嬰慘變奄及慈闈念咎畏威惟日虞
於謹罰 會葉倖進敢復覲於恩光詎意公朝未忘孤

黜之次對付以名藩茲滄日以戒行敢籲天
親川塗云邈况當栗冽之期獲載何私願昇安全之
幸俾早祇於職守當虔奉於官箴上焉赫赫之呈穹
照臨孔邇下則巍巍之靈嶽顧盼可瞻誓堅對越之
誠益勵首公之節庶蠲民瘼少答國恩更祈佑善之
仁終成及物之志

潭州上元建醮青詞

三元紀節茲臨錫福之辰十國為連適際牧民之始
敢殫誠而有禱冀蒙覆以均安伏念臣猥被宸綸叨
分楚服披圖案謀昔雖號於富饒問俗觀風今實多

於愁嘆以非材而臨泣將何道以撫摩方弛檐之云
初已炷藪而自誓凡躬行之當勉如對神明苟民瘼
之未紓若拯焚溺期少伸於志願以無負於選掄若
雨陽寒燠之以時與水旱札瘥之不作惟化工之是
賴匪人力之可能是用嚴三齋七戒以陳儀爲一道
九州而控請仰覲好生之大德俯矜難保之小民富
有倉箱俾遂西成之樂聲無桴鼓庶寬南顧之憂

湘春堂建醮青詞

藩維寄重懼勝任之惟艱履載恩深願控誠而有禱
伏念臣甫離憂患遽被恩榮旣莫遂於忱辭遂冒

於登委數千里封疆之廣有百萬戶生靈之蕃林

峒錯若每難帖服營屯列峙可後指循凡而九郡之

戚休皆是一身之舉厝疚心思治殆寢食之靡違節

用愛人敢圭銖之自奉雖爲仁由已而成功則天仰

祈生育之恩俯賜安全之幸使身無菑疾而家用平

康庶無私慮之牽一惟民隱之卹誓竭公勤之素志

迄成惠利於此方上焉赫赫之皇穹鑒臨孔邇下則

巍巍之靈嶽顧盼可瞻苟畔斯言敢辭于罰

祈雨建醮青詞

職玷撫摩難勝二千石之寄民憂旱暵莫如七八月

之間敢瀝丹衷冒十洪覆瞻此湖湘之洞察異乎江
澗之富饒本乏蓋藏况加科配故雖豐稔猶或嗟咨
或惟一穀之弗登立見群生之告病幸自春而徂夏
蒙賜雨之以時早稻既收晚苗亦茂正當嘉澤慶迄
全功粵繇邇日以來忽苦常賜之沴與祈雖切感格
未能雲未合而倏離雨方沾而隨止夙宵自省震懼
靡遑即書具以陳儀籲高昊而致請願雷矜憫亟解
隄枯當雨露之將臨俾甘霖之適應實賴實粟遂爲
上熟之年成始成終敢忘大造之力

謝雨建醮青詞

一念在民惟豐穰之是願歷旬不雨則怵惕以屏
絲自入秋以來幾有常賜之虞遐想溝塍之涸竭不
勝肺腑之惓焚輒籲告於九旻每凌兢而百拜祇荷
穹窿之覆屢垂沾溉之恩觸石興雲變陰威於炎赫
隨風入夜回膏潤於隄枯仰戴天慈敢稽醮謝然旱
暵之期頗久而涵濡之澤未深嘉穀方華正須護養
驕陽孔熾豈易堪任冀上帝之好生憫下民之無告
載霑載足迄成上熟之年既庶既安侵還近古之俗

生辰建醮青詞

歲月推移復值始生之日夙宵震懼難酬罔極之恩

輒露微忱冒塵穹聽伏念臣蠢愚寡識樸鈍非材
自意於遭逢迺積叨於榮顯惟履載生成實乾坤之
造而鞠育教誨繫父母之仁惕若省循箴焉稱塞蓋
克肖其德然後為弗失其性而不辱其身然後能無
忝其親臣之於期固常有意年已幾於知命學猶愧
於反躬屬當初度之臨深切愚衷之感劬勞莫報方
懷俯仰之慙宴樂是娛敢惟世俗之徇爰假道家之
典肆陳法醮之儀備罄精誠冀蒙福祐脩身進德獲
為名教之全人尊主庇民粗究平生之素志自餘

不敢備陳

下元節天慶觀建醮青詞

伏以十國為連濫膺南服之寄三時不害迄承
之功繫庶俗之小康皆至仁之廣被伏念臣蠢愚寡
識樸鈍非材叨九重選擇之榮付一道撫綏之責兵
民兼總既負荷之維艱蠻獠雜居尤服馴之匪易所
期一稔以弭百憂曰雨曰暘荷天慈之昭答有忝有
稷俾歲事之獲全豈微臣感格之能繇大造幹旋之
妙即下元之令節按太上之冲科以謝殊恩以祈來
貺降福祥於有永銷菑沴於未形三登曰太平常底
豐穰之慶百樂生治國再還淳古之風臣無任

甲申上元醮青詞

三元紀節茲臨錫福之辰千里分符責任宅生之寄
敢爲民而控請冀蒙覆以均安伏念臣猥奉邦條倏
周歲籥顧慙菲德每深曠敗之虞獨荷至仁倍費生
成之造雨方祈而輒霈年幾歉而告登瑞雲滂降於
嘉平麗景有華於元日仰戴穹窿之施益深祗懼之
誠爰即公庭載陳法醮冀精忱之昭格獲景貺之過
臻調二氣以孔時寢五兵而弗試祝融回祿無煙燄
鬱收之災湘江洞庭無風濤覆溺之害閭里清淨溪
峒晏寧末路躋全豈獨守藩之幸遐方枕奠式寬

之憂臣無任

建醮青詞

甲申四月十一日時有白氣出於
鵠吻恐爲兵災之象故致禱焉

職叨作牧慚非守土之材志切爲民爰控籲天之悃
伏念臣猥蒙推擇繆任撫摩幼學壯行但欲寸功之
及物夙興夜寐未嘗一念之謀身每務廣於上恩期
亟還於舊觀而臣材能淺薄智識乖踈雖懷憫俗之
至情愧乏召和之善政里閭憔悴城邑蕭條歲非不
熟而穀價反騰歛非不輕而民財轉乏凜然終日抱
此百憂况陰陽或舛於運行而災沴間形於兆朕直

切曉皆繇不德其敢自文惟仰懇於上穹冀垂憐於下土誕錫和平之福潛銷變故之虞雨暘寒燠之以時迄臻大稔畢疾戡兵之不作咸遂小康第令民命之獲全何異臣身之蒙施臣無任

祈雨建醮青詞

為政而宜於人媿乏召和之術不雨而至斯極敢忘省咎之誠瀝血書詞鞠恭請命伏念臣猥慚迂陋繆任藩宣明不足以察物情惠不足以蘇民瘼歎愁怨恨豈無隱伏而未知寒燠雨暘致使運行之或愆今之旱暵此之繇已備舉於祈禳迄未獲於應

臣之旱有衆何辜况難安者田里之生而易動老弱之俗縱今豐稔猶費撫綏脫或饑荒將奚拯拯然億萬姓之命繫此一二日之間不勝疾首而痛心殆甚履冰而蹈火仰祈大造俯鑒危衷霽甘霖於亢之餘活嘉穀於垂成之際庶幾赤子獲逃溝壑之留願以微軀獨被雷震之譴

青詞

甲申六月二十一日天慶觀

早方千里繇繆政之傷和哀籲九天為黎元而請命載念湖湘之凋瘵憂殊江浙之富饒頻年皆稔則時俗粗安一日告饑則事變雜出在昔固嘗深病於今

尤可隱憂蓋當糴貴之餘正切食新之望儻矣百鈞
之重負日冀息有惴然一葉之漏舟共期脫險儻或
幸於所擬復何恃以自存每殫朝夕之思不知涕泗
之集敢載陳於法醮用備列於庶乘仰祈穹昊之仁
至拯生靈之厄救群龍而並起霈一雨以滂流遂作
甘霖盡活嘉穀若微臣之有辜豈顯罰之敢辭鑄鼎
積而削年齡悉懽大造之命全妻孥而安隴畝願保
細民之生臣無任

太一醮青詞

恭以亢旱為災嗟赫赫炎官之虐至仁可憫仰煌煌

紫極之尊嚴三齋七戒以投誠為百姓群黎而請命
伏念臣受材至陋竊寵過優雖存濟物之心愧乏召
和之政當祝融之用事俄妖魃之肆行不勝朝夕之
憂深念公私之計平準之儲甚乏况已空賑糴之餘
大家之積幾何復告竭勸分之後欲脫窮民於久困
惟斲新穀之倍登殆猶痼疾之思痊更甚縲囚之俟
赦左饗右粥望或失於垂成寒耕熱耘功遂為於徒
費既絕可生之路是擠必死之塗雖下吏之愆尤有
以召此豈上天之仁愛忍使致斯肅寶醮以陳儀瞻
璿霄而瀝懇或生靈有過幸務宥其愚冥或分野當

災句密回於造化倏起寸雲之蔭霽為三日之霖盡
活枯苗迄成豐歲度幾鴻鴈之衆各保安居願以蠖
蟻之身獨當顯罰臣無任

南嶽正殿建醮青詞

清朝假寵濫司十國之連繆政干和致貽千里之旱
敢抒丹懇仰蒼旻矐是湘郊實維楚服厥壤少腴
而多瘠其民易動而難安年雖婁登尚虞佩犢之警
歲或小歉立有狼顧之憂粵繇季夏以來忽若常暘
之沴近則長沙資陽之境遠則零陵瀟水之間綿數
郡之相望越累旬而不雨夙宵自省寢食靡遑比雖

潤澤之數霑尚慮邇遐之未徧載瞻喬嶽密接層霄
既雲氣之所藏且神靈之攸宅爰即祠庭之邃就陳
醮席之嚴冀赫監之下臨獲精誠之上達祝融天柱
變陰霽於頃更屏翳豐隆奉神威而奔走俾列城之
均浹庶一稔之可期昨俗相安無匹夫之弗獲牧臣
有臯豈顯罰之敢辭臣無任

太一醮謝雨青詞

六月廿七日醮七月初二日夜占蒙許秋前
賜雨初八初九皆大雨中元謝且祈十八十
九雨廿
四日雨

寶播將成俄苦倏焚之虐璇穹非遠輒殫哀籲之誠

既霈澤之維時敢消辰而控謝伏念臣自罹亢旱每
極隱憂齋居幾及於五旬露奏豈惟於三竇蓋荆楚
荒涼之有素而里閭貧悴之孔多職在長人當任牛
羊之芻牧志期阜俗忍令鴻鴈之流離故切切於禱
祈殆皇皇如饑渴洪慈垂憫密回造化之機膏潤應
期大慰雲霓之望粟直爲之漫減物情賴以少紓適
中元令節之來臨舉太一冲科而載演豈曰仰禱於
大造所期游瀝於微衷惟眈度之來陳與官僚之歸
報雨或多而或寡未遂均霑苗有秀而有枯尚虞難
保更冀其霖之相續庶幾晚稼之獲全以終上帝好

生之仁以拯下民垂絕之命敢伸虔請願賜恩
立秋處暑之間亟臻渥洽俾衡嶽湘江之境共樂豐
登

南嶽青詞

旱太甚以如焚備磬禱祈之悃天不言而善應迄垂
沾勺之仁仰戴隆恩敢忘祗謝伏念臣猥繇推擇繆
任撫綏旣分閭外之顧憂常軫民間之休戚顧慙舛
政上干二氣之和馴致常暘幾遍三湘之境極夙宵
而省咎如疾疫之在躬誕即靈宮肅陳醮席為列城
而請命賴洪覆之垂休自入孟秋以來屢沾時雨之

潤苗將枯而復茂粟方貴而漫平雖遐邇不同或有
全虧之地然盈虛相補尚饑下熟之年旣荷殊恩敢
祈終惠蓋頃屬熒熒之際嘗嘿思賑卹之宜欲殫一
已之勞期建百年之利必也豐穰之不失庶乎規畫
之可行冀皇天后土之有臨亟成微志俾赤子黎元
之得所盡出洪鈞臣無任

天慶青詞

旱太甚以如焚備罄祈禱之懇天雖高而聽下迄成
沾旬之恩仰戴隆慈敢忘祗謝伏念長沙之境越
季夏以來蓋愆亢者久之亦隳燹之極矣臣忝任

靈之寄不勝朝夕之憂婁控懇於穹旻遂獲臻於
潤始焉不雨所以示儆戒之威終則有秋又以昭仁
愛之意仰化工之至妙訢民命之獲全顧已幸於蒙
休尚有蘄於終惠蓋頃屬歆祥之際嘗嘿思惠養之
宜在其闡閭則欲倣張詠賑民之法若時郊野則欲
遵朱熹置廩之規不辭一已之勞期建百年之利必
也豐穰之不失庶乎規畫之可行冀皇天后土之有
臨亟成微志俾赤子黎元之得所盡出洪鈞

生日建醮青詞 甲申

年幾五袞嗟老景之易侵身在三湘倏誕辰之載值

當常情宴樂之日實微生悲痛之時敢瀝丹誠仰手
穹覆伏猥繇庸情積有澆逾每蚤夜以兢兢殆淵冰
之凜凜念天地賦臣以此性必盡性然後無慙而父
母生臣之此身在立身豈容有愧顧年齡之漫迫過
德業之未克既莫報於劬勞詎能安於戴履屬當初
度尤惕愚衷爰仰叨於高旻冀俯矜於末路俾自今
而攸往凡有志以必成居無疾恙之侵動寡悔尤之
累操修合道粗無慊於前賢功利及人不虛生於斯
世

黃籙正醮青詞

乙酉三月自長沙
歸西山未赴召命

消辰歲事有嚴金籙之科竭地投誠冀徹璇霄之聽
伏念臣曩惟艱棘復值災迺嘗於壬午之春誕即西
山之麓肅陳法醮哀籲高靈用追福於慈親且祈安
於私室仰蒙道蔭密佑孤踪兩載于藩旣兵民之胥
悅一門被澤復子姪之均霑除書荐下於昕庭愍冊
增光於幽窆竊省僥踰之幸悉繇覆載之恩屬暫還
蓬華之居用敬修蘋藻之薦瀝肺肝而有禱冀穹旻
之垂仁因步方艱願亟臻於綏靖聖圖有永期益底
於延洪忠賢進而公道顯行德政脩而人心順聽邊
疆寧謐海寓清夷但令斯世之舉安時乃微臣之至

願于名慕利政為私已之謀尊德在民蘄遂平生之
志尚惟妙造賜以曲成臣當勉竭丹衷力行素學夙
宵一念常如上帝之臨夷嶽百為悉賴神明之助

西山設醮青詞

乙酉自禮部奉祠

入參侍從莫禪訪落之謀歸返田廬甫遂退休之志
敢摠誠懇僭竇穹旻伏念臣器識凡庸行能淺薄鶻
龍飛之有作叨駟召之最先累疏辭榮既難回於成
命一忱思報其敢徇於私謀肆當奏對之初首陳狂
瞽之論主上嘉其忠讜許即施行臺臣指其臯愆勾
加鑄斥迄從寬典仍假龍章凡微蹤獲保於安全皆

洪覆曲垂於庇佑方息肩於弛擔正思過以杜門
冀慈仁密回大造俾臣身無灾疾家用平康早窺至
道之精微盡滌平生之疵吝危機弗作姑容安跡於
山林拙守難移終願酬知於君父

西山再醮青詞

乙酉

星躔密運固定數之莫移天道至仁惟微誠之可籲
輒控凌兢之悃仰祈覆育之恩伏念臣賦性顛蒙秉
心輒拙平生行已但求無愧於幽明一意愛君其敢
留情於寵利緣憂思之大過致言論之失中上雖亮
其無他衆爭指其有臯皆繇迷繆自取顛隳既被譴

以來歸每省愆而思改迺曆家之推步謂乾象之加
臨尚撓挺災未能集福凜然終日方恐懼以自修考
之古人尚祈禳之不廢矧惟薄德敢後投誠仰祈大
造之照臨俯鑒微衷之休惕赦其往咎許以後圖潛
銷坎險之虞誕錫泰亨之吉孤忠直節早見察於朝
廷弱質衰蹤獲自安於林藪

粵山入宅青詞 丙戌九月

蝸廬甫就冀臻居處之安鴻覆無邊輒控生成之禱
伏念臣越自近歲廬于先塋比緣齒髮之日侵每懼
陰嵐之易染平時漫仕未嘗爲豐培囊橐之私一旦

投閑安得有營創室廬之力姑徹移於舊宇用補
於新巢輪焉奐焉敢効晉大夫之後有矣美矣庶幾
衛公子之規雖無百堵之雄幸挹兩山之勝厥維吉
壤畀自高穹旣諏日之惟良遂携家而托處潔誠一
念祇謝三靈願垂壽載之仁誕錫和平之福杜門省
咎早見察於清朝講學脩身獲預聞於至道教子粗
傳於忠孝生孫適迂於休祥誓畢此生勤行衆善庶
無負聖賢之訓以此酌天地之恩

母夫人祈壽青詞

高堂華髮將臨誕育之辰寶笈冲科預控壽昌之禱

凌兢望賜俯伏陳詞伏念臣母大恭人吳氏某蚤歷
艱勤晚膺榮養七十春而復四實惟喜懼之年九五
福之備全正賴生成之造敬消元日祇扣高真冀延
耆艾之齡永享清溫之奉昭昭在上願不斲於垂慈
老老及人詎敢忘於錫類

保安設醮青詞

君官無補懼獲譴於幽明赦過有祈敢投誠於穹昊
伏念臣猥慚愚劣積冒清華雖戒謹自將粗守不欺
之節然操持或戾豈無可錄之愆竊自省循每深震
惕惟上聖以好生為德而元乃宥罪之辰肅歲

筵敬陳忱禱冀蒙覆護俾道憂虞上奉親慈願
壽下將孳指均遂燕寧但無非意之災即是殊常之
福自餘僭悃不敢妄陳

春祈設醮青詞

春者四時之首實肇化工食為八政之先最關民命
即殊庭而歲事控忱懇以致祈三登曰太平願格豐
穰之應百樂生治國漸還熙洽之風

中元節祈安設醮青詞

伏以謗材無取誤分千里之符善最未聞幸畢二年
之戍獲全狐跡端藉鴻私伏念臣本乏吏能繆膺郡

寄雖清白一節粗無愧於幽明然勤勞百為終自慙
於踈拙仰賴穹窿之施曲垂覆露之仁兩賜若時歲
以屢稔盜賊屏跡人亦僅安訖遂終更實踰素望是
用肅陳淨醮祇謝高真念受代之非遥將戒行之有
日備親華髮適當喜懼之年遠役修涂頭錫康寧之
祉下至闔門之壯穉均祈洪造之生成但無非意之
虞即是殊常之福自餘僭悃不敢妄陳

黃錄醮青詞

璇霄雖邈惟精誠可以感通金錄載陳於科教至為
嚴重敢干威譴僭露忱詞伏念臣本以蠢愚奮由孤

承洪造甄陶之厚叨皇家爵秩之榮學雖篤而
知之未聞德弗克而虛名之徒竊稔成過咎罔自覺
知連年骨肉之挺災凋零已甚一旦庭闈之弃養痛
悼奚堪方朝夕自省於愆尤復父子俱嬰於疾疢凜
淵冰而知警懼覆載之莫容敬發丹衷跪陳寶醮果
蒙矜宥亟底痊平置繇再造之恩畀以安全之幸屬
正月始和之際實天官賜福之辰祇演冲科用迎景
既惟先妣劬勞之未報冀道力以超昇惟全家長穉
之相依丐天慈之曲被更推餘澤併逮含靈俾溥天
率土之間咸安生聚暨泉曲幽扃之下盡釋沉淪茲

上聖好生之本心亦微臣及物之素願控誠以請從
欲是求

太乙醮青詞

遠南陔孝養之樂悵莫報於母恩瞻東極瑞相之尊
頭虔依於道力輒瀝哀摧之悃冀蒙矜憫之仁伏念
臣亡妣某性稟惠慈行全懿淑事姑盡孝早彰到股
之高風教子成名無愧剪髮之盛節一念惟勤於嚮
善千金不吝於濟人謂宜膺五福之具全迺僅止七
旬之有四攀號靡及荼毒奚堪長夜杳冥恍不知其
如往慈顏彷彿空儼若於生存欲濟拔於營魂用

依於聖造伏望青華注錄黑簿銷名或仍生福德
門或徑列仙真之籍茲為忱禱允賴洪恩更祈寶林
蓮座之光普及泉曲艷都之識念愚氓之蒙昧或墮
沉淪變火翳為清源悉歸超度此上聖好生之大德
亦微臣控懇之至情瀝懇有祈鞠躬而俟

母夫人愍忌設醮青詞

昊天罔極莫報劬勞之恩春露既濡豈勝怵惕之念
惟歲元之不日實母氏之誕辰綵服稱觴記每歲歡
娛之舊綠裳捧奠愴于今變故之新鶩華誕之重逢
悲慈顏之如在茫茫長夜念遄返之無期浩浩蒼穹

幸歸投之有路肆陳淨醮追拔營魂冀蒙被於天慈
蚤超躋於仙籍載念送終之重無踰治塋之先異夢
有開既類牛眠之兆遠期是卜將營馬鬣之封更祈
列真覆幬之仁誕受二氣冲和之正庶幾體魄獲安
回於九原抑俾子孫蒙休祥於百世

黃籙十王表

世恩莫報徒切蓼莪之悲聖力無邊輒陳蘋藻之薦
載披烟幅慶叩獻聰伏念臣亡妣吳氏性稟惠慈行
全懿淑事姑盡孝早彰割股之高風教子成名無愧
於歲之盛節一念惟勤於奉道千金不吝於濟人

百濟五福之具全迺僅止七旬之有四攀號靡及
壽災堪長夜杳冥恍不知其如往慈顏彷彿空儼若
於生存欲濟拔於營魂用歸依於真宰恭惟十王真
君殿下職司地府德合天心願蠲已往之愆甄錄平
生之善或列仙真之籍或生福德之門仍冀慈仁徧
加凡庶念蠢冥之冒犯致墮沉淪變幽暗爲光明悉
歸超度此列聖好生之本意亦微臣控懇之至情瀝
懇有祈鞠躬以聽

十王表

伏以十真列位雖嚴地府之司一德主生實體天心

之運敢殫忱悃冒竄威神竊以民本秉彝疇非好善
情因逐物乃至失真皆緣一念之差致墮九幽之苦
業報雖由於自作愚冥實出於無知共惟十王真君
殿下聖德高深神功浩博願番慈憫俯徇懇祈推上
穹覆育之仁接下土沉淪之衆瓊章寶籙俾乘超度
之緣火翳劔林化作青源之境

仙遊山第一會黃籙醮青詞

天心溥博至仁常軫於黎元道教修崇勝會無逾於
黃籙肅殊庭而不戴罄忱悃以有陳竊以下土茫茫
莫無邊際衆生擾擾多積愆尤或三災八難之營

或六道九幽之輪轉孽雖自作情有可矜儻非初
者之恩何以度存亡之厄是用即真仙之勝境演太
上之冲科連晝夜以陳儀合幽明而控禱今兩淮荆
蜀之壤兵革方興五嶺劔汀之間疫癘大作凡賦形
之有衆多墮命於無辜深虞變故之未銷以致流行
之浸廣仰勦仁聖俯念生靈敷太極二五之蘇潛祛
沴氣轉陽九百六之運遄格不平生者有耕鑿飲食
之安死者無沉滯煩寃之苦匪但此方之蒙福併令
率土之皆春咸賴至真密回妙造兢兢一念不勝對
越之誠赫赫九旻願降高明之監

太乙救苦天尊青詞

伏以按冲科於黃錄方藏殊因瞻瑞相於青華敬陳
忱悃維下民之賦質皆上帝之降衷繇因物以有遷
致積愆而罔悟一念顛迷之莫返墮八九幽百年歡
樂之幾何受報千劫孽雖由於自作情本出於無知
仰太乙之至仁實群元之司命願垂慈憫俯徇懇祈
瓊寶林蓮座之光旁通幽隱化火翳劔山之苦同作
清源

西山先生真文忠公文集卷第四十八

西山先生真文忠公文集卷第四十九

青詞

上元設醮青詞

千里分符游任宅生之寄三元肇序適當錫福之辰
端一意以致祈為群黎而請命瞻清源之吉壤本南
土之富州爰自邇年頓非舊觀七邑而二為煨燼十
室而九乏蓋藏菴舶罕來市廛之失業者衆舡粟弗
繼軍民之仰糴者艱矧更早暎之餘彌覺歎愁之甚
臣起從祠館復玷州麾雖懷及物之深誠未得裕民
之美術屬臨今節慶籲高穹耒耜方興願霈及時之

澤釐弊將實冀全率育之功融風息而間并莫居駭
浪平而舳舻交集俾斯人浸有於生意則微臣均荷
於至仁銷沴致和端有斲於造化奉公履正當無愧
於神明

丁亥生日設醮青詞

微生多幸敢忘天地之恩大造難酬惟極晨昏之感
肆陳愚悃冒瀆明威况觀六合之間以及萬殊之衆
人貴乎物而臣獲為人士首乎民而臣叨為士力學
者豈能必第臣則荐玷於科名從官者鮮或遇知臣
則誤塵於禁近若臨政之悔尤謹寡與立朝之本末

粗明罪當重以及輕身幾危而復免凡茲僥倖悉荷
曲成竊自省循若為克稱爰即始生之旦潛禱祇謝
之忱方仰戴於至仁敢妄希於多福但祈覆露俾脫
災危得於閑靜之中究乃聖賢之蘊子方嚮學冀性
識之日明婦未生孫期冲和之早昇其他志願久矣
監臨惟益堅平日之心以敬聽高穹之命

戊子生日設醮青詞

蕭然華髮已開六袞之期保此頽齡正賴九霄之覆
敢摠舟楫祇叩鳴鈞伏念臣猥以妄庸居然僥倖蚤
玷兩科之選已愧非材晚陪六職之聯更虞過分故

任職必期盡力而立朝不敢阿容謬戾既多悔尤難
免幸逃深譴獲遂苟安顧頂踵之蒙恩豈涓埃之能
報將臨誕日豫戴醮儀專露衷忱懇祈造化星躔未
順冀厄運之潛銷年事浸衰願微軀之長健教子粗
明於忠孝生孫早協於休祥仰覲慈仁容垂廕佑樂
天安上當恪守於舊聞尊主庇民或少酬於晚節

生日設醮青詞

父之愛子惟疾疢之是憂天之愍民苟籲號而必救
既拜更生之賜敢忘造化之恩伏念臣好善雖勤省
思有愧賤齒已逾於四十弱息僅止於一人實為命

以相依且應門之是賴頃綠述否幾困沈綿不勝祇
擯之情尤切傷弓之懼呼鑿餌藥慮人力之難施請
命祈哀知天慈之可訴燔寶薰於清夜瞻璇極於層
霄百拜投誠一心控懇果蒙矜宥旋遂痊安茲臨初
度之期仰戴至仁之造肅陳淨醮祇控謝忱臣男某
伏望穹昊垂光聖真敷佑堅其脆弱之質俾克永年
關乃滯蒙之資俾知向學不敢妄希於福祿惟蘄粗
保於戶門其在微臣曷為至足誓當父子相勉惟好
之力行天日實臨敢斯言之自畔

仙遊安奉北斗青詞

真西山文集卷之四十九
緬瞻園叟唯璇璣之獨尊爰肖粹容即琳宮而蕝事
于以作千古山川之鎮豈特嚴一方香火之脩消良
日以奉安按冲科而專繹願令合境悉為富壽之民
敢曰私門獨覲生成之造

求孫設醮青詞

暮景將臨日徂生孫之慶高穹可籲敢干育物之仁
稽首投誠鞠躬請命伏念臣譚庸無取忝幸獨多所
當勉務於操修其敢復懷於僥覲惟念續承之重每
深漸望之私幸化工垂溥博之恩俾子舍有**萌**之
漸根芟既兆正瀆雨露之功坯治將成允賴鈞陶之

妙爰卜春元之令序仍消天喜之佳辰肅寶醮以
祈冀璇霄之嘿佑蠲其災害收十月之全功貸以冲
和備五行之正氣庶傳家之有託實被德之無窮願
寬僭瀆之誅俯賜生成之造

己丑設醮青詞

天威孔迩居懷祗畏之誠歲序更端冀輯和平之福
敢攄舟楫仰瀆皇穹伏念臣以一介顛蒙之資荷兩
間覆載之德昔者叨榮而竊寵敢忘鈞播之至仁今
焉負罪以投閑亦佩玉成之深意每洗心而思咎期
進德以脩身所慮隱微之間不無差忒或犯幽冥之

謹弗自覺知屬履新元載消良日敬露袞除之禱願
垂貸宥之恩自微臣犬馬之身速闔門螻蟻之聚各
蠲災沴咸廸吉祥俾當杜門退處之時而有玩志討
論之益庶幾於道或竊覩於萬分誓畢此生常堅持
於一念

祈雨青詞

大田將稔忽罹旱暵之災上帝至仁忍弃生靈之命
爰共殫於忱悃冀仰徹於穹旻睠茲浦城僻在閩嶠
山谷多而膏腴之壤狹陂渠少而灌溉之備踈里居
鮮甚裕之家蓋藏有幾鄰粟無可通之踞轉販尤艱

故於歲事之成虧尤切民生之利病粵從孟夏之吉
常賜雖攘禴之具修顧感通之殊邈雲方凝而復散
雨欲作而驟休儻霽霈之澤以稽將飢饉之虞立至
載念戚休之同體殆如焚灼之切身爰即道宮敬陳
法醮願下雷霆之詔申勅山川之神三日為霖亟救
倒垂之厄百穀皆熟遂為大有之年

仙遊謝雨青詞

歲功在望俄示罰於常暘天道好生旋垂恩而霽澤
憂虞頓解訖戴何窮竊念此邦粵繇季夏時屬當於
三伏雨弗至者累旬既衆心所共隱憂豈微臣獨能

安視思饒由已本素志之所存憂國願豐敢閒居而
遂替念既徧求於群祀尤當控請於上帝爰即真宮
敬禱愚悃荷至神之降格俾其靈之履霜最尔寸衷
安有動天之實大哉元造實垂拯物之仁今蚤稼旣
幸復全而晚苗亦方漫茂敢因祇謝併霽忱祈白露
將臨願時賜滂沱之雨黃雲彌望庶迄成豐稔之秋

祈晴設醮青詞

陰霖過度方重隱憂洪覆至仁逆開霽景生成莫大
祈幸無窮維粵故區寔閩壯邑然瘠土多而膏腴之
壤誠愿民少而爭鬪之俗蕃頻年屢登僅爾帖泰一
穀不熟遽已咨嗟况鄰邦紛擾之秋正群情惶惑之
際共期一稔以弭多虞乃自首冬以來忽罹淫雨之
害歲功儻失將立至於凶荒氓俗易搖懼或從而騷
動方蠲穀旦虔籲高旻俄陰翳之屏除覩陽明之呈
豁敬陳醮禮祇控謝忱仰于上帝之好生俯宥下民
之多辟兩暘寒燠俾無失序之愆臯疾裁兵潛泯未
形之患獲保生靈之命悉由造化之恩

生日設醮青詞

我生之辰安在幸適際於嘉時帝降之衷有常懼難
全於正性敬修法醮虔霽微忱伏念臣最爾顯家居

然僥倖歲行在戌與震位以協和命宿於辰有陽明
之臨照凡半生之忝竊皆大造之埏鎔材乏寸長積
玷朝廷之罷咎盈百謫乃保山林之安顧在臣已極
叨逾豈外此敢萌希覬惟斲道蔭俯逮愚蹤無疾癘
以殃厥躬無災害以撓其志優繇問學俾深究於精
微持養身心獲漸臻於純一期無悖聖賢之訓戒庶
不孤天地之生成是為罔極之恩敢控由衷之禱

庚寅保安醮青詞

微生多幸夙蒙化育之恩新序載福冀錫康寧之福
敢殫忱悃僭瀆威神伏念臣本出卑寒早居華顯雖

年退處曾罪戾之禾銷然舉室粗安荷生成之
厚居每懷於思眷敢妄意於僥踰層此新年既以寅
而易丑加之大運將自卯而遷辰顧災祥未易測知
在愚拙惟深戒懼爰肅陳於淨醮用祇籲於皇穹願
垂矜憐極濟之仁俾免艱險屯危之厄儻一宗百口
之衆俱保聚廬之安允勺水粒米之甘無非造物之
賜當勉修於寸善期仰答於三靈

立春日仙遊安奉玉皇青詞

璇霄有赫夙蒙徧覆之仁寶殿肇新爰舉慶成之禮
併陳忱悃仰冒穹威維時神景之祠躬于嘉定之歲

真西山文集卷之四十九
七
雖琳宇之規模粗備亶號名區而玉虛之館御未嚴
殊為闕典叶衆誠而共建即元朔以奉安一境山川
既從茲而增重萬年鄉火將燕及於無窮言念去冬
以來適有鄰封之警雖道里頗相悠邈而里閭未免
震驚日頃蕩定之期共享和平之福惟好生者上帝
之大德而喜安者下民之至情願軫鴻慈密回妙造
俾遠近氛埃之頓息而生靈壽命之獲全雞犬之聲
相聞漫底阜康之俗蟲魚之性各遂悉陶化育之恩

生日謔醮青詞

年齡向晚適臨誕育之辰氣運迭移正值循新之會

賁深祇懼輒露忱祈伏念臣猥以妄庸居然僥幸學
問未優而竊科名之寵材能何取而汙侍從之班積
有愆尤畧無稱塞雖投閑之滋久顧揣分之誠宜方
屏迹以杜門庶飾躬而補過茲控籲天之請敢萌微
福之私獨虞星曜之照臨未臻協吉重慮陰陽之衝
激或至召災爰祇叩於洪鈞冀嘿回於厄運家和身
健併骨肉以俱安盜息兵銷與鄉閭而共慶此惟至
願仰旬曲成大造無疆夫豈微生之能報餘年有幾
尚期衆善之力行

辛卯生日謔醮青詞

道與貌天與形夙賴甄陶之化乾稱父坤稱母敢忘
覆載之恩爰屬誕辰敬攄忱悃伏念臣藐然凡陋奮
自孤寒德薄而竊虛名材微而叨顯秩靖言僥倖每
切兢慚茲虔扣於高靈敢妄希於多福世途方梗願
早開寧謚之期年事浸衰冀粗獲康疆之吉教子知
承家之學生孫無乏祀之憂仰紫極以投誠斬鴻慈
而從欲至仁涵貸曲全螻蟻之生晚節保持益勉駑
駘之力

粵山入宅設醮青詞

惡主靜懼手祀以罹殃天道好生敢虔共而請命

仰斷大造俯賜曲成伏念臣曩以舊廬徙于茲土雖
蔽風雨而避寒暑粗適厥居然奉齊祭以接神明
則無其所不思量力之義輒為庀後之謀半載于茲
象工交舉闢地雖寡在方隅寧免有妨閱月既多於
時日豈能俱利慮觸幽冥之禁莫逃譴罰之威載念
孤蹤奮由寒峻陋哉環堵之室固已有餘巍然數仞
之堂豈其當作悖孔氏求安之訓遠孟軻弗為之言
嘿自省循寔深愧忤敬消良日祇按真科踏地有陳
冀至仁之垂宥聚廬並處俾永世之無虞嗣續之生
日蕃忠孝之傳弗墜屋廬幸有敢同韓愈之誇車馬

可容誓勉于公之德

壬辰上元設醮青詞

三元紀節莫如春孟之先五福錫民願被天官之施
輒伸丹悃僭瀆蒼穹惟粵山柘水之間自己丑庚寅
之後始焉鄰警殃恐及於池魚繼以歲凶危殆同於
幕燕仰蒙妙造俯庇含生既大田嘉穀之告登復近
境妖氛之頓熄豈伊人力悉出天恩爰即琳宮肅陳
寶醮祇謝曲成之德更祈徧覆之仁二炁均調潛銷
旱溢之變五兵寢息各安耕鑿之常蚕薶得以倍收
虎豹為之遠屏家給人足俾獲觀於升平天施地壘

其敢忘於化育

上元設斗醮禳虎青詞

生靈何辜重罹猛獸之害昊穹是懇願垂洪覆之仁
竊念此邦比更多故歲事饒荒之後雖一稔而未蘇
鄰氛震擾之餘幸群情之少定豈謂負嵎之暴至有
噬人之凶老幼驚呼嗟籲天而莫救骨骸零落痛委
地之可哀田野為之膽寒樵蘇幾於路絕懼傷殘未
已豈禳禱之可稽仰析造化之恩亟拯黎元之命神
功嘿運遂除南山白額之妖害氣自銷不待東海赤
刀之祝

真西山文集卷之四十九
中元仙遊建醮青詞

孟商令序適當宥罪之期神景殊庭寔維集福之地
敢憑淨醮祇達衆誠伏念臣某猥以塵凡居然晚陋
霞裾星弁旣獲玷於道流琳館瓊臺復嗣居於法席
惟謹焚脩之職少酬覆載之仁屬中元三五夜之臨
環諸里數百人之衆並齋心而潔慮冀赦過以除愆
或以士農工商斲安生業或為祖先親屬追拔冥途
厥志甚厯所求尤切旣難拒卻謹為奉行伏望穹昊
垂憐神明敷佑俾生者獲五福康寧之祉而歿者無
也幽沉滯之悲凡有所祈各如其願早乾極矣尤為
切近之災雨澤沛然幸錫豐登之慶庶安樂土之歡
實戴高真之恩

謝雨青詞

旱為災而屢禱旣沐恩憐澤甫洽而復愆益深危懼
敢因祇謝併控忱祈臣等昨屬炕陽數千洪造旋被
沾濡之施少寬炎赫之憂早稼雖傷幸僅存之猶有
晚苗甚茂尚小稔之可期方共戴於殊恩欲恪修於
報禮夫何不雨忽又兼旬老稚皇皇日俟穎金之秀
晨昏切切停聞炊玉之香儻所望之復乖將其生之
莫保流離俶擾何者無之危急存亡孰甚於此臣等

比扣蒼旻之聽豫陳黃錄之盟敢於福祿以有求但
欲鄉閭之無禍願矜誠悃亟弭亂萌惟一雨之霑然
則群情之安矣若風雹霜蟲之害冀悉賜於蠲除諒
天地父母之仁必不厭其煩瀆

生日設醮青詞

歲月之運易流又臨初度天地之恩難報恐負宿心
輒殫艱艱之誠仰干赫赫之監伏念奮由孤冷本極
允庸敢圖大造之矜憐俾以一生之僥幸材非可用
迺竊寵之特優罪有當誅復蒙恩而苟免祠館甫還
於故秩州符遽祈於舊封嘿自省循若為答塞念昔

立朝治郡之日每以尊主庇民為心豈以末塗而忘
素守所願始終而策勵祇虞衰病之浸陵莫克有為
真成自負肆當誕日慶告高真俾臣得衛養之宜令
臣無憂患之撓筋骸強健可任國事以驅馳耳目聰
明能察人情之幽隱少施薄效有補明時奉身而歸
訖全靖退之節傳家有訓勉循清白之規

玉皇三清殿祈雨青詞

伏以旱而望雨不勝迫切之情窮則呼天輒扣穹窿
之聽比以累旬之愆亢深虞多稼之焦枯幾遍禱於
靈祠迄未臻於嘉應今赫炎已極在高田旣祥全

儻霑漑少稽雖平壤亦將可慮維此億萬人之命繫
在三五日之間非仰懇於高穹懼莫回於大造即仙
山而齋宿瞻帝極以懇祈仰冀至仁俯矜忱悃或災
臨分野願密賜於轉移或罪在生靈勾曲垂於赦宥
起龍神而奔走屏妖魃以退藏三日以往為霖大慰
雲霓之望八政之首曰食廣全溝壑之生

北斗真武殿祈雨青詞

伏以允民有生莫切豐年之望不雨斯極豫懷艱食
之憂惟上聖之至仁為辟元之司命恭伸禱請願賜
常其霖於久曠之餘全嘉穀於將枯之際庶獲

成於中熟實仰戴於殊恩

謝雨青詞

早當七月苗欲稿以可憂山起寸雲雨崇朝而遂徧
獲解倒垂之急端由垂覆之恩睠是窮鄉夙稱瘠土
三隅斗絕粟可往而不可來百室罄垂歲宜豐而不
宜歉屬夏秋之方接蔚禾稼之相望蓋數日以頽成
猶調饑而待哺實穎實粟共忻樂歲之可期如暎如
焚豈料亢陽之為虐望雲霓而隕涕睇原野以傷心
用赴懇於高穹冀興憐於下土果蒙孚答屢賜霑濡
式寬旦暮之憂仰戴乾坤之施念晚稻收成之尚遠

而秋陽赫烈之可虞願深軫於至仁俾時蒙於嘉澤
百里而半九十庶全末路之危甫田之取十千終遂
有年之望

仙遊山設醮青詞

叨恩起廢俾游牧於清源歷吉問塗敢慶祈於紫極
伏念臣昔當疆仕嘗玷專城粗殫撫字之誠莫著藩
宣之績邇人亮其疎拙或至去思朝家滌其愆尤復
加選任既飛辭而弗獲將竭蹶以有行脩程寢迫於
嚴寒暮齒更虞於多病顧惟瑣質愧乏他長獨其一
意於斯民時乃平生之素志兩邑創殘之後正急對

摩群生憔悴之餘尤須拯救願夙宵而盡瘁猶疾疴
之在躬度息呻吟少蘇疲瘵冀天造賜保扶之力使
微軀免災眚之憂長幼均安川塗無阻早達明山之
境以慰瀕海之昨潔白公勤誓益勵昔年之操安平
富樂期漸還故國之風

泉州八宅設醮青詞

起廢復來獲撫吏民之舊揆才非稱惟斬造化之恩
睽此溫陵昔稱名鎮內環七邑生齒寔蕃外控重溟
風濤難測禁旅尤嚴於節制壘商賈有以招懷凡御
衆牧人之方與悅近來遠之道儻非強敏詎免垂疎

伏念某曩玷專城時方疆仕夙宵勉竭曾微政事之
長始末保全悉賴神明之力敢謂十六年之久存叨
二千石之除憂患屢更已迫衰殘之境瘡痍未復可
嗟窮悴之昨志雖切於撫摩力恐難於負荷仰祈覆
壽曲借生成俾某身無疾疢之憂家有平康之喜庶
專一意思濟群生迪以清明炤幾微而罔失錫之強
健嬰繁劇以有為施為允陞於物情惠利亟蘇於民
瘼公勤庶白誓愈勵於初心富樂安平期早還於舊
觀

上元設醮青詞

暮三百六旬之日適換新春知四十九年之非浸
暮齒敢彈悃悞僭瀆威神伏念臣本以允姿加之陋
學荷生成之特宥慚忝竊之大優材匪適時繆享無
功之祿德非足已更叨過實之名積有愧於幽明致
自貽於譴責既投閑而置散每思微以省愆屬新律
之載更懼餘災之未弭爰寓誠於寶醮用請命於皇
穹仰冀慈仁俯垂矜赦蠲除殃咎誕降吉祥俾身健
而家安庶心寧而志一杜門屏跡獲靜處於丘園教
子讀書共講明於道義茲為志願敢復他求

春祈紫極宮青詞

春令平分農功肇始當舉祈年之禮况逢閔雨之時
即太紫之真宮脩上清之法醮匪僅循於故事實深
俟於殊恩盖今群甿憔悴之餘正切百穀豐登之望
非亟被滂沱之澤何由施播殖之工仰覲天慈俯矜
民命載霑載足不愆東作之期實好實堅迄遂西成
之慶

清源洞三清殿設醮青詞

方春告旱實關終歲之憂濱海為州素乏上腴之壤
矧自冬而至二月凡不雨者幾數旬比雖嘉澤之屢
敷猶苦高田之未洽柰何開霽又復挾辰瘠土易乾

加盛陽之輝赫稔苗欲長乏積水之涵濡正當種蒔
之時乃有焦熬之意猶方孩而失乳將何道以能生
臣是以疾首痛心祈息請命冀至仁之務惻回妙造
於頃臾三日以往為霖俾溥臻於霑足八政之首曰
食庶可必於豐登

州治設醮青詞

農功最急莫如春夏之交兩澤不時倍切生靈之望
歷舟裹而控請冀洪覆之興憐惟此邦夙號於樂郊
至近歲遽成於凋俗公私耗竭上下煎熬租簿弗登
旬月之儲何有商舟罕至斗升之直尚騰自載忝於

州符每勤求於民瘼嗟撫摩之無術獨抱百憂欲愁
歎之少紓惟斬一稔豈虞種植之際迺有乾亢之災
高壤未耕既成稿白稗苗方秀浸覺萎黃無陂渠可
以灌輸有風日為之炎爍比親行於原野實痛切於
肺肝若為銷寢以召和但有祈哀而請命皇矣上帝
仁恩普及於昆蟲今此下民生意將危於絲髮當窮
途而亟拯豈大造之所難願軫隆慈嘿回哀眷霈然
甘霑膏此大田穡事以時庶豐穰之丁必牧臣有罪
奚譴罰之敢辭

設廳謝雨青詞

民以食為天莫切豐登之望守視民如子居惟
之憂泣嘉澤之弗時而首種之不入一歲收成之
將墮耿茫萬人饒饑之虞近在朝夕臣是以履郊原
而震惕瞻雲漢以悲傷欲斬紆患於生靈惟有祈哀
於穹昊祓嚴公宇敷列黜筵藥笈琅函正宣揚於清
夜玉漿瓊液俄飛洒於層霄甫及兼旬之間數蒙澍
雨之應大矣曰生之德拯此垂絕之人既拜殊恩敢
稽祗謝顧惟瀕海之地土脉易乾重以盛夏之時炎
威有赫願俾梅霖之相續庶幾穡寶之用成和氣致
祥不爽陰陽之序富歲多賴寢興仁遜之風

離明殿設醮青詞

煌煌執法之星威靈有赫奕奕明離之殿欽奉素嚴
屬當炎煥之時敬飾祈禳之典念茲南服實曰溫陵
地處盛陽之方常多燥烈海有颶風之害每懼煽揚
欲期比屋之奠居惟仰高真之敷佑願垂道蔭溥及
黎元既庶既安永熄祝融之警時暘時雨併銷旱魃
之虞

雲榭設醮祈晴青詞

農方望歲幸蚤稼之告登政有干和致陰霖之為沴
洗心思咎頓首祈恩伏念臣再忝郡符屢周月增曾

德惠利俾民瘼之昭蘇獨有愆尤煩天威之謹告
則示常暘之罰今焉召滂雨之災皆薄德之自貽豈
至仁之所欲旱幾成而復挽旣荷曲全穀已熟而可
收忍令遽失願軫生靈之命俯垂化育之恩宣陽曜
以破昏霾揚清風而散蒸鬱錫以無旬之霽保其終
歲之功若其獄訟之滋繁與夫刑罰之乖戾幽枉之
情豈無未達歎愁之氣或有未伸初非有衆之辜時
乃微臣之辜恐懼修省誓殫朝夕之誠覆載生成永
賴乾坤之造

雲榭設醮謝晴青詞

曰兩曰賜游拜璇穹之賜有所報用嚴寶醮之陳
頃值陰霖懼傷嘉穀爰即侵雲之榭敬修請霽之儀
寶炷初升虔叩九霄之聽烏輪有赫遽騰六合之光
開麗景以彌旬收全功於一稔厥惟大幸敢昧隆恩
更祈覆燾之仁俯矜凋瘵之俗五穀熟民人育婁錫
豐年百室盈婦子寧長為樂土

秋賽紫極宮設醮青詞

再命為州每深憂於黎庶一誠望歲知幾瀆於神明
旱方熾而嘉澤隨潦未收而晴光煜敢云薄德能感
帝心獨賴至仁寔哀矜於民命錫之一稔活此
群生公私之計少寬覆育之恩莫大敬陳菲報併
悅祈無風雨蟲螟之蓄以今晚節有黍稷稻粱之慶
迺用康年

生朝設醮青詞

覆載無私豈待求而降福天壽不貳惟自勉於脩身
屬此始生敢云妄禱念存分於符竹已浸迫於桑榆
獄訟昔簡而今繁非精力莫能剴決財計昔克而今
置非智慮不可幹旋一日弗勤則英易滋一事弗親
則情易壅懼微躬之難強冀大造之嘿扶俾常強健
而清明度克從容而醕酢矧為仁由已而成功則天

臣之此來豈有他念凋瘵者望其蘇息愁歎者欲其
歡愉雖殫朝夕之勞期還舊觀匪賴神明之佑曷遂
初心三農已幸於告登二氣更斲於不忒海無駭浪
里絕驚塵用足而志以成刑清而人自化粗收薄效
不徒垂老之重臨少慰群情即獲奉身而蚤退

離明殿設醮青詞

視民由已每慮患於未然脩祀以時冀蒙休之有永
惟泉為郡在閩最南炎燠之氣在四序以常多震蕩
之風或連朝而弗息儻非賴上聖高真之佑何以免
况融回祿之災爰卜季高敬修淨醮仰祈赫赫之鑒

俯庇林林之氓比屋相望各遂和平之樂聚廬託
永銷禧出之虞

黃籙醮青詞

歲獲豐穰祇戴璇穹之施禮嚴報謝敬修寶籙之科
諏至日以陳儀為邦人而輯福伏念臣職叨作牧志
切念民昨屬莫春久罹亢旱嘉種尚難於入土天田
敢覲於有秋載瞻雲霓若隕淵谷蠢蠢黎元之衆將
可以生皇上帝之仁必非所忍願霈及時之澤迄
成大有之年果徇誠求始猶響答天地之裕萬物豈
以為息臣子之薦寸忱亦云寓敬當黃宮之紀節即

琳宇以告虔三日九朝用道家最盛之典一封七聚
冀天覆無窮之休陰陽之叙靡愆旱溢之蓄弗作天
吳效職護舟楫以安行回祿戢威保室廬而聚慶矧
鄰疆之相屬有狡衆之未馴懼或致於蔓延旬亟臻
於綏靖四境之塵不動復見大平百蠻之貨畢徠重
為富國臣雖叨易鎮敢有遐心閩粵之壤本同均在
十連之域造化之功無外願回一道之春

普度青詞

遺民何辜橫罹鄰寇之殃舊郡重臨恩極冥涂之苦
神追後各冀超昇歲在丑寅之間盜作汀樵之

承平歲久旣武備之弗脩醜類日蕃致妖氛之浸靡
惟時德化以及永春密連竊發之區旋被侵陵之禍
兵戈匪練誰知禦賊之方官吏相先自作全軀之計
委群氓於鋒鏑之下舉二邑為煨燼之餘游魂蕩於
太空枯骨暴于曠野淒風急雨諒多號噉之悲厚地
重泉更抱幽沉之歎念此淪亡之衆皆嘗撫字之人
豈憫惻之亡情幸歸依之有路屬修崇於黃籙敢籲
告於紫皇允厥同時暨于諸郡有隸名於黑簿悉度
命於朱陵北都鬼群魚復又淹之繫西方淨土舉為
極樂之游

甲午仙遊設醮青詞

奉藩弗績誤蒙九陛之知賜召使還猥與六官之選
懼莫酬於主眷庸祇扣於天慈伏念臣昨在初元嘗
參近侍屬值權姦之顯政惡聞讜直之盡言一斥七
年始叨牽叙載更兩鎮方效撫摩適公朝盡起於名
流而孤迹亦塵於華貫控辭靡獲圖報惟艱旣不敢
矯激以近名亦不敢低徊而徇利惟厚集精誠庶免
於感格而密陳忠益冀見之施行上有裨於國家下
有澤於民物臣之願也天實臨之仰句至仁默垂洪
濛清衷之洞照卑卑不蘊之盡沖得時則行肯負平

生之計許未身而退終期晚節之蚤休

告斗祈雨表

伏為臣等所居建寧府浦城縣久闕雨澤虔伸醮告
者旱而望雨不勝怵迫之情窮則呼天冀徹穹窿之
聽臣某等誠惶誠恐頓首頓首乃瞻浦城之境越由
季夏以來其淫久愆亢陽遂極協公私而共禱雖潤
澤之屢沾泉乾而土弗濡未幾涸竭日炎而風亦燥
有甚灼焚旣高原下隰之皆枯將早稼晚苗之俱瘁
望雲霓而蹙額瞻田野以傷心痛惟貧窶之昨甫遭饑
饉之厄幸去冬之一稔猶瀕死而復蘇正須保養之

功庶有安全之望儻重罹於凶歎必立至於顛隳靖
言何辜遽至斯極矧民情自古以難保且鄉俗在今
而易搖苟生理之或窮恐禍機之端作蠢蠢黎元之
命殆幾絲髮之危皇皇后帝之仁忍視塗炭之酷期
嘿回於造化用哀籲於聖真恭惟大聖北斗七元尊
帝君斟酌一元紀綱七政念此土蓄傷之未久而斯
人瘡痍之尚新申敕群靈大敷渥澤使欲槁之禾復
活而垂成之穀獲登寔與幽生均蒙再造臣某等切
循平昔積有愆尤顧省已之多慚其以身而受罰若
無愚之罔識斷赦宥而勿誅普推滌蕩之恩俾逋流

行之數賜以樂歲悉為全人臣等祇荷曲成誓當
勉神明森列敢萌自昧之心貧富相資深戒不仁之
習臣等無任瞻天仰聖激切屏營之至

祈雨醮詞

伏以萬民之天所仰莫如穡事之艱六月之雨不時
深懼田功之失控誠以禱從欲是求睠茲百里之區
寔在七閩之首山崇川駛粟可去而不可來民悍俗
頑歲宜豐而不宜歉昨緣霜隕有害秋成一朝而攘
奪並興殆幾挺變累載之蓋藏悉罄僅足捄饒幸禾
麥之繼登與里閭而胥慶然穀直之騰未減而民力

之困自如非大有之屢書豈小康之可冀迺繇季夏驟苦常暘多稼垂成猶日望嬰童之長其霖弗績是頓虧乳哺之功儻拯救之少稽將危亡之立至不勝震懼有甚灼爇爰率籲於上穹冀興憐於下土救群龍而並起掃妖魃於方張大雨時行願弗愆於月令烝民乃粒實共戴於天恩

仙遊告斗表文

伏以自夏及秋久被亢陽之虐維北有斗實司元氣之權敢干亵瀆之誅冒控一純之請臣等誠惶誠恐頓首頓首竊以運行之數歲無常豐謹告之威天有

定命所當恭德其可用陳曾未越於浹旬報海干於霄極蓋誠有甚切而勢有至危念自叨特指以來嘗數任枚麓之責常平可以振廩鉅室可以勸分或請命公朝有分頒之錢粟或告糴鄰境有畢湊之舟車故雖逢歲之甚躋尚克拯民於垂死乃如敝邑實謂窮涂四事一無將奚相郵頻年屢稔始幸苟安當去載之告饒尚宿藏之可仰茹草齧衣已弗忍聞拮鎖劫糧幾莫能過豈容今日更值凶年此微臣極朝夕以隱憂而壹意幸神明之垂憫今早稻之存無幾而晚苗之損亦多願一再信宿之間亟蒙大霈庶十萬

生靈之命猶獲少延恭望大聖北斗七元尊帝君嘿
運璣衡潛移氣數乘立秋處暑之際救興雲致雨之
神敷降甘霖俾成中熟臣等以憂國願豐之素志加
與民同患之至情故寧九殞觸雷霆之嚴冀或萬分
回穹昊之聽救災解厄之惠苟衆共以獲全奪祿減
筭之刑雖獨當而無憾臣等無任瞻天仰聖激切屏
營之至

祈雨醮詞

亢旱為裁由下民之多罪愆恩敷膏仰上帝之至仁
竊念鄉邦久愆時澤田疇枯涸蓋幾千畝之相望父

老驚嗟謂數十年之未覩公私交禱朝夕靡皇至
貢於綠章以冒十於紫極雲蒸雨降幸數獲於感
虹斷風醜輒復為之霽止外里間聞於沾足近郊仍
苦於焦熬泉乾而井汲甚艱川竭而挽春俱廢粟直
騰踴人情憂危今蚤稼多傷已非上熟而晚苗未搗
猶望曲全用僭瀆以再三冀興衰於衆庶救其必死
予以更生賜之三日之霖徧及一同之境臣等夙緣
愚穉積負愆尤瀝血書詞庶徹神明之聽洗心思咎
敢忘覆載之恩仰冀穹慈俯從卑悃八月後雨晚禾
獲全次年不歉

紹定三年庚寅正月天慶觀祈禱弭盜疏文

伏為汀邵之寇近犯長平等處為大軍迫逐
皆已出境又聞南劍管下官兵獲捷生擒賊
首謹請

三清寶殿虔神懇禱者

歲當登稔方忻庶俗之安吏失拊循忽告隣邦之警
始臨汀而及邵武延將樂以迫沙陽甫更半歲之間
遍擾數州之境生靈何罪多荼毒於干戈老幼相携
或顛仆於溝壑比由間道遷越近封幸王旅之鼎來
致寇兵之潛遁然而狡謀叵測虐燄未乘儻非聖造
其焉底成功之幸

天地之恩照借神祇之助俾羽林熊渠之衆得
謀雖聲鶴唳之聞亦皆震讐盡熄鯨鯢之擾復
鴈之居耕稼及時不失厚生之望里閭按堵潛消幸
變之心

告斗醮青詞

性均物則本由帝之降秉吏失威懷致陷身而為賊
始以捕鹽之峻繼之賞盜之非汀寇先搖邵寇從而
扇動劍民既擾建民亦以震驚甫逾半載之間遍蹂
數州之境莽為丘墟者殆千餘里戍於鋒刃者知幾
萬人流血幾於成川僵屍至於盈野雖曰下民之孽

有以致茲仰惟上帝之心夫豈忍此吉消良日哀籲
至真願軫慈憐俯垂庇佑或生靈有罪特推蕩宥之
息或分野當災嘿賜轉移之造上俾師徒之克捷下
令醜類之服馴潛銷好亂之風亟歸嚮化之俗豈惟
南浦訖免纖塵之驚坐使全閩俱還樂土之舊

黃蘇建壇青詞

綠林煽禍嗟隣境之罹殃黃蘇薦誠冀高穹之垂憫
屬舉告盟之禮敢殫哀籲之辭惟時汀邵之民本非
好亂况值聖明之世皆欲安生祇緣牧御之乖宜致
使披猖而為患兩郡相接半為煨燼之餘萬姓何辜

頌於鋒鏑之下虜燄既延於劍水妖氛幾及於
泉壤幽沈痛矣術究之鬼道塗顛陪傷哉失業之
深虞厄運之未消惟賴皇穹之可懇願嘿回於造化
以普揀於生靈遠而閩部之八州近則浦城之四境
兵戈頓息寇魃弗侵田里相安耕稼自若允彼失身
而從賊亦皆悔過而為民本業爭趨有渤海雞豚之
樂舊汙悉變無崑岡玉石之焚

黃蘇祈晴青詞

民命獲全端賴神天之造醮儀將舉豫惟陰雨之憂
蓋玄元大教之相傳維黃蘇真科之最重方肆筵設

席期昭格於神明儻露服失容惟有虧於禮敬矧招
魂而施食乃除地而為壇欲普洽於幽冥尤深靳於
澄霽仰冀高明之監俯矜懇切之忱救賜谷以騰暉
命雲師而卷侵晴光炳煥相望七八日之間曠典園
成式慰千萬人之願

正醮青詞

事機方急共伸哀籲之誠造化密移亟霑更生之澤
既漸臻於寧晏其敢昧於曲成恭修黃籙之科僭瀆
蒼旻之聽臣等昨緣鄰寇橫逞兵鋒近駭武陽劍水
之間達躡臨汝肝紅之境深慮豺狼之罔測或伺知

邦不量螻螻之至微輒干穹昊深仁憫惻妙道幹旋
麻沙方燬而王旅適來樵城雖陷而賊徒逆返諸將
奮貔貅之勇捷奏踵聞群盜即鯨鯢之誅克威頓屈
昔慮滔天燎原之莫制今猶摧枯拉朽之匪艱置繇
天意之嘿回故使人謀之克濟凡父子弟兄之相保
與比閭族黨之俱安自頂踵皆出生全豈毫髮所能
報塞屬當令節敬踐舊盟以謝殊恩以祈終惠今江
淮千里有未熄之妖氛而汀贛兩邦有僅存之餘孽
願垂眷佑亟遂救寧俾回勢逾磐石之疆而民生獲
真枕之樂歲功告儉更虞溝壑之流離兵餉甚殷日

皇好之寢息仰冀上帝好生之德俯救下民沾死之
雷風雨均調載錫婁豐之慶乾坤清晏復見升平之
期

太乙青詞

至仁無外共瞻東極之慈尊如力所加能拔北邙之
幽苦輒殫忱悃僭瀆獻聰言念比年實為多難荆淮
川蜀之境既警備之未寧江湖福建之間忽姦偷之
迭起嗟克渠之不道歎醜類以成群虐燄薰天妖氛
翳日莽為丘墟者九數十縣戕於鋒刃者知幾萬人
嗚呼靈如草菅以殺戮為嬉戲白骨枯骸之狼籍

魄將何所依孤兒寡婦之嗷號鬼神亦為之泣痛沈
寃之無告憂滯魄之難升敢因黃籙之殊科為懇青
宮之上聖願軫大慈大悲之念亟推普濟普度之恩
望慶雲飛蓋之光悉超幽暗被甘露神漿之滴盡獲
清涼更靳憐兆庶之生為潛消百六之厄災虞盡弭
亟臻平治之期存歿均安悉拜涵濡之澤

十王表

民生可憫或罹凶橫之災聖力無邊能拔沈淪之趣
輒殫忱悃僭瀆獻聰言念比年

云云至鬼神亦為之
矧並同太乙青詞

願推慈念普及冥塗凡濫死之亡辜俾超生而得所

西方佛國並為極樂之游北都鬼神盡釋久幽之苦

仙遊山謝斗青詞

蠢々萬民之命實制於天煌煌七政之樞獨尊者斗
非以憐邦之傲擾致茲鄉井之震搖接彼封疆深懼
池魚之及紛然道路殆猶穴蟻之移念事勢之至危
恐禍機之適作惟有顛號於穹昊庶幾全活於生靈
爰即仙山肅陳醮席陰威慘澹方嗟積雨之霖淫氛
暄豁開忽覩列星之明輒仰上魁杓之象燦然宵極
之中一心皎望於垂仁百拜凌兢而請命旋獲安平
之兆知蒙覆幬之恩甫涉期年果戡大難日消首甲

月近上弦接壇壝以致虔為里閭而祇謝邊兵未寢
尚勤宵旰之憂民食正艱復慮溝隍之厄冀亟平於
多壘且大獲於有年朝野無虞浸還近古之俗山林
雖老終酬致主之心

天慶觀禳火青詞

赫赫南方之曜夙仰威明林林下土之居均依覆育
瞻此一同之聚殆逾千室之繁爰自邇年實為多故
鄰氛甚惡既更流徙之餘歲事弗登重罹饒饒之厄
光開形於兆朕更竊懼於災虞方嗟擠蹙之氓未甦
自治設有燎原之變將復奈何茲誠存亡危急之憂

惟賴造化生全之力敢控忱於上聖冀垂憫於下民
潛祛回祿之妖仍弭畢方之崇聚廬託處無譖譖出
出之驚擊壤均歡有箇簡穰穰之慶

天慶觀祈禱青詞

患深擠壑屬當饒饉之餘誠切籲天願賜豐穰之慶
嗟惟去歲驟失有秋始由積潦之過多重以嚴霜之
早隕陰沴侵而陽弗競既以奸和殺氣盛而生不蕃
莫能遂物茲皆人事之所感夫豈天心之欲然越繇
春夏以來艱食彌甚于今田野之衆殍死相望囷倉
之積既空薇蕨之根亦罄欲極斯人於瀕殆惟斬多稼
之倍登爰瀝眼於上穹冀興哀於下土當其危急存
亡之際賜以復露生全之恩二氣適均無苦雨疾風
之害百嘉獲遂隨高原下隰之宜皆既好而既堅且
實穎而實粟豈惟俾赤子之得乳是將起白骨而成
人天地至仁庶一誠之能動里閭相勉惟衆善之力
行是歲大稔

仙遊設醮青詞

八月十二日常山寇破江山
迫近鄉邑九月十一日設醮

伏以足食安居實民生之至願弭災銷患豈人力之
所能僭干造化之仁庶保黔黎之命瞻言蔽境爰自

真西山文集卷之四十九
比年始則虞鄰警之侵旋復被歲凶之厄迄遂安恬
之幸悉由覆幬之恩今大田多稼之告登正茲刈獲
而近郡群兇之方擾未即蕩平冀穡事之獲全而兵
氛之早熄即仙山而致禱瞻帝極以投誠句穹昊之
垂慈俾鄉閭之蒙福無風雨霜蟲之害無寇戎兵之
災百室充盈共樂如茨之慶四封寧晏不聞橫草之
譌

代男正追薦母青詞

母子恩深劬勞莫報死生路隔哀慕難窮敢竭至情
僭干洪造伏念臣母楊氏頃緣嬰疾遽致沒身享年

僅及於三旬抱恨遂成於千古靈魂炯炯固自不甘
長路茫茫果將焉往惟清夢或窺其彷彿而私心
墮於幽沉痛念平生實鍾善性救人之急則雖傾橐
以弗辭遇姑之疾則不解衣而親侍精勤以繙內典
齊潔以奉高真蓋出至誠匪由外飾惟天地以好生
育物為德惟聖賢有赦過宥罪之言是用敬瀆危迫
之衷冀勸高明之鑒俾臣母楊氏早憑善果獲遂超
昇顧雖駒犢之至愚永佩乾坤之大賜

代祈嗣青詞

伏以休戚相關莫如伉儷之義安平是望敢干覆育

之仁伏念臣妻室某幸出忠勲之門粗閑閨壺之則
然氣形廩受本孱弱以弗強而運數推移復災虞之
或值旣連歲妊娠之屢失且平時疾苦之居多匪虔
叩於聖真懼難回於譴咎屬季春之誕日即神景之
名山肅按冲科用伸忱禱仰覬穹審之大造俯矜么
麼之微生銷三災九厄於未萌永獲康寧之祉賦二
氣五行之至正早鍾誕毓之祥俾慈父適意於抱孫
而愚臣顓精於嚮學豈獨闔門之被賜實惟永世之
蒙休誓堅忠孝之誠母負生成之德

已丑外舅生日設醮青詞

將耆而耄倏臨八袞之期旣壽且康異錫九疇之福
逖瞻層漢度露寸忱伏念臣蕞爾微生居然多幸決
科甚晚名早脫於銓曹入仕數奇官亦叨於元士年
浸高而免支離之苦祿雖薄而無寒餒之虞糟糠之
老獲偕椿桂之榮相踵几茲僥倖皆非始望所期揆
厥本元悉出大生之賜屬當初度祗按真科顧上天
加厚於微臣不勝至足在今日有求於造物敢復無
厭惟斲北極之至仁俯照西崦之末景蠲其蓄疾衍
厥壽棋子舍掀騰各遂榮親之願孫枝孕毓益綿繼
世之祥誓畢餘齡勉修正道

庚寅外舅設醮青詞

老將至而耄違常切寅威之念天雖高而聽下願垂
覆憐之仁僭以悃忱形于奏請伏念臣迂愚何取忝
竊實多每當誕育之期載念穹窿之造養生甚拙已
逾古來稀有之年從宦雖艱粗享人間無事之樂輒
陳菲薦以謝高靈屬自仲春以來適有鄰邦之警亟
携家而遠避致曠禮之弗脩幸王旅之沓來俾寇徒
之少戢修塗于役迄逃風露之侵故里來歸不改山
川之觀拊摩卉木瞻顧棟楹昔惟捐棄之是虞今乃
存全之如舊皆自天而錫佑顧何地以疇息敬洎荐

七之辰恪興純一之念萃霞裾之清侶按靈笈之冲
科敢曰禱祈更希無妄之福但期赦宥獲弭未形之
災盜早息於潢池民相安於田里俾闔門百口之衆
永保聚廬之居凡勺水粒米之甘無非造物之賜

外舅生日設醮青詞

父生母鞠難酬罔極之恩日往月來永感賤生之旦
非假演冲科之妙教何以寓追遠之寸心謹竭丹誠
肅陳清醮伏念臣晚叨末第幸脫選坑宰邑黃巖景
愆叢積分司列院斥罷不容摧頽三黜之餘閑散十
暮之久雖自誤言之萋菲實由已德之輕浮幸皇天

開改過之門而列聖垂遷善之訓臣敢不省愆責已
條慮洗心赦其言行之悔尤原以取舍之差失桑榆
晚景期體道以康強苑李春風保餘生之清逸

辛卯外舅設醮青詞

伏以無德而壽倏開九袞之期不勞而官將肩三階
之寵顧臣庸昧奮跡單微早學古人妄意寸功之及
物晚叨朝籍止蘄一命之榮親雖中歲之險艱而未
塗之僥倖迨衣冠之已桂乃綸綍之屢頒論議名官
行廁漢連之千子男錫號猥聯周爵之諸侯雖朱
轡畫鹿之莫醜而紫綬垂魚之亦寵凡茲命數俱殊

皇之敢期况是年齡遠過古來之稀有自揆
之質曷勝覆育之恩爰即誕辰謹修法醮但知敬謝
何敢多求視聽俱全願保微軀之健子孫浸盛更全
暮齒之榮

庚寅代蔡宰設斗醮祈晴青詞

蚤稻大成迺逢霽雨積氛小解未快全晴控百里之
危悰瀆七元之聰聽伏念臣濫膺煩劇實愧恥繇或
政刑之頗偏致陰陽之乖戾儻茲歲不登於一稔則
斯民益重於百憂欲祈天意之回更藉斗真之力敷
誠玉笈歸命璇璣伏願颯馭博臨帝車下格洗出虞

淵之皦日盡掃陰霾陶為柘水之豐年少蘇民望

代楊和甫作賽醮詞

伏以有室有家未免妻孥之累載生載育實依造化之仁既獲遂於全安詎敢忘於大賜敬陳淨醮祇微誠伏念臣猥以塵凡夙叨蔭佑頃緣荆布之賤乳蓐有期重以羔豚之微疾疢為苦輒披丹悃虔叩蒼旻顧私情仰瀆於高真盍嬰譴罰而洪覆靡遺於小物曲借生成免身既幸於無虞勿藥入臻於有喜屬春物萌芽之始正化工發育之時爰擇剛辰肅迎真馭以謝曲成之造以祈滋登之休惟雙親耆艾之齡各

登七袞而百世繼承之託僅有一人仰賴慈仁俯矜憫益介壽康之祉更膺蕃衍之祥臣敢不思滌愆尤恪修志行終身自勉期為善人君子之歸方寸不欺庶答皇天后土之賜

代周道珍黃籙醮普說

竊惟道家之法以清淨無為為本修齋設醮特教中之一事耳然自漢以來傳習至今不可廢者以其用意在於揀度生靈蠲除災厄而開人悔過自新之路故也世之闢道教者或謂上帝至尊惟國家可歆郊祀而以臣庶行之則幾於僭或謂禍福有命不可以

求而致不可以倖而免人之齋醮其名曰禳設集福
是福可求而禍可免也則幾於妄此皆儒者正夫之
論安得而非之然非國家不可以祀天者禮之正也
若臣庶之微精誠迫切有動於中則徃徃顙天地扣
神明以自救故曰人窮則呼天又曰惡人齋戒沐浴
則可以祀上帝道家醮法特以伸臣庶哀顙之誠而
非如祀之比也然既有禱有禳則必湏章奏而後達
必藉科儀而後行故自漢至今其法益詳其禮益備
然惟庶子為君父官府為民庶士夫為鄉黨以公
而以私求者則甚應如響若徒倖以求福矯妄

知出於私求而不以公請者則亦神明之所不
道家之所不許也由是觀之道家齋醮之法安得
之僭且妄哉夫弭戡兵遠臯疾寧風旱祈豐年具載
於周禮之書有國遵行未之或廢况於盜賊甲兵之
衆驟發於鄰壤如燎原之火有蔓延之勢當是時也
非顙天地扣神明何以弭災於未萌銷患於冥冥乎
是以里居官某官等以紹定二年十月二十七日相
率有祈於道宮且許修設黃籙大齋醮一會為一方
生靈請命于昊穹蓋里居為鄉黨邑宰為民庶其請
以公而不以私故自時厥後王師大集捷奏日聞究

渠束手以就擒餘黨望風而遁散儻非天地好生之
仁神明助順之意安得數月之間其效遽至此哉今
黃錄大齋官道衆莫不成集道珍不材誤蒙推擇使
主醮事法當演法不敢支離曼衍以煩衆聽獨以儒
道二教其說畧同僭陳其一二蓋詩有之上帝臨女
無貳爾心又曰皇矣上帝臨下有赫又曰神之格思
不可度思矧可射思禮記亦云洋洋乎如在其上如
在其左右凡此皆言上帝神明近與人接不可斯須
之不敬不可一念之不誠也道家則又推言居慶宮
殿之名冠冕車服侍衛威儀之列又謂衆真百靈皆

貌象其為宮觀則擬而效之至於醮事之脩俯
拜跪儼然如風馬雲車之來下雖其說似與儒者異
然其為教不過欲故人肅敬之心使見者凜然知天
地神祈之臨其上則邪意妄想自然消弭善端正念
自然感發亦豈為小補哉今者寶醮將陳伏願齋官
道衆凡預此會者各體前聖垂戒之言與道家設教
之指清淨其身心端一其志慮毋謂高遠為可欺毋
謂杳冥為可忽夫古人之於祭祀必三日齋七日戒
者蓋非誠敬之極不可以交於神明所謂戒者肅然
警懼之謂也所謂齋者湛然純一之謂也故易曰齋

戒以神明其德而宗元吳先生著元綱論亦曰非齋
戒則真不應今日但以不飲酒不茹葷為齋戒而不
知齋戒之義非止於此方其散齋七日則肅然警懼
猶履薄臨深之可畏及致齋三日則湛然純一心如
止水寂然不動無思無為如是而後為精誠之極神
之聽之介爾景福庶乎其可必矣不然雖修飾於禮
文之末而不致謹於心術之微欲冀神祇之格福應
之臻則非道珍之所敢知也若夫星弁霞裾號稱方
士尤當清淨以對越內而存念無一毫之雜外而行
去塵垢之差表重渾然終始如一庶幾無負吾祖

歸之教而免於幽冥之罰此道珍與衆所宜共勉者
也不然則三官有罰九府有刑凜如斧鉞甘心背違
自取誅遣道珍竊懼為事大體嚴輒敢縷瀆伏惟乎
察

清源洞祈雨疏

戊寅十一月一日

歲以稔聞方惟多稼之喜雨弗時至又深無麥之憂
蓋當播殖之期正賴沾濡之澤今高田欲種而無水
以耕下田雖種而無水以溉戚休所係愁歎相聞况
夫風高氣燥則居者用虞泉竭井枯則汲者告病皆
民生之甚患豈守土之敢安是用奔走乞靈虔共請
命寸雲觸石願倏變於陰威三日為霖庶均沾於德
施

安奉真人誥命疏

為中應善利昭靈博濟真人顯膺寵命加進

微名謹率官僚虔仰奉安者仙聖以濟物為心初豈
靳於褒寵朝廷惟有功是報顧何間於幽明既大庇
於含生宜進膺於顯號恭惟真人清虛體道湛寂疑
神昔游戲人間以卻疾蠲病而自任今翱翔天上猶
禦哉捍患之不忘睠此邦人夙依道蔭或農或賈咸
獲堵安曰雨曰暘殆猶響應爰徹九重之聽增崇八
字之封綸告鼎來輿情咸慶消辰安奉愈增耀於名
山有衆阜康更永祈於靈貺

清源洞祈雨疏

己卯閏月初一日

麥正刈而欲晴旣荷曲成之造稻方秧而渴雨敢輸

虔禱之誠蓋農事所係非輕而春旱最為可畏儻少
稽於潤澤將立見於焦枯不勝危迫之情願賜生成
之力霈然其霑活此良苗俾播種之及時庶豐穰之
可望鞠躬以俟從欲是期

清源洞謝雨疏

東嶽同閏
月初五日

兩辰之間曰閏適農事之正殷三日以往為霖荷化
工之遄答臣職叨作牧志極念民屬其霑之少愆懼
良苗之易槁戴星而出甫伸踏地之恭零雨其濛亟
沐隨車之澤連朝昏而相續極高下以均霑但深林
難報空禱之施輒憑淨醮冀達微忱祈欲天

必從之已拜曲成之造自今歲其有矣願
新終東
仁

東嶽清源洞祈晴疏

三農之望有秋亶云至切六月而得甘雨顧以為憂
蓋南邦田事之最先而閏歲天時之尤蚤瞻平時之
綺錯蔚多稼之雲連父老相誇謂積年之未覩妻帑
共喜幸一飽之可期儻未息於霑霑將有妨於刈穫
垂成而毀茲豈造物者之心轉戚而忻特煩彈指頃
之力願賜兼旬之明霽庶償終歲之勤勞瀝豕輸誠

鞠躬伏命

寺觀設醮謝晴青詞疏 六月十日

雨以潤物過乎度則為蓄天維子民哀其窮而必求
疏其霖本以潤物過則為蓄諸佛切於念民窮斯必
求比以陰雲之沍凜乎害稼之憂奔走有祈顧瞻如
響劃重雲而見白日六合清新弭駭浪而為安流百
川順聽仰至仁之易感戴鴻施以何窮屬當收穫之
期不厭晴明之久崇墉斯積願克保於歲功擊壤均
權其醜忘於帝力 疏佛力

寺觀謝晴青詞疏

后穀告登既卜有年之慶連陰不已遽為積潦之藪

不勝朝夕之憂亟和乾坤之造頓神功之密運俾霖
景之遙開波漲平疇昔幾壞於垂秋之頃雲屯高廩
今獲全於將失之餘愁嘆頓舒歛忻相告用是肅陳
淨供 觀云淨醮祇薦微忱曰雨曰暘願益臻於時若
有稷有黍更期遂於秋成 疏云不勝怵迫之情亟扣
慈悲之造賴威神之密運

祈雨疏

治郡無堪致亢旱悞焚之虐籲天有請荷如來矜恤
之仁起群龍於潛伏之時摧妖魃於熾張之日拜恩
甚溥思報何從惟水陸之名齋罄幽明而蒙澤衆生

苦惱猶渴望泉諸佛慈悲如雨濯熱願均此施普及
有情脫煩寃於沈淪幽滯之中遍大地作快樂清涼
之境併靳終惠迄昇豐年無愆陽無伏陰永協冲和
之氣有遺秉有滯穗曲全鰥寡之生

祈晴疏

百穀仰雨久蒙大造之曲成九月築場藉幸舊功之
將畢日覲茨梁之積迺惟霑潦之爰言念三農備嘗
耕耨之苦政須一稔少寬饑餒之虞使垂範而後
在隆慈其安忍輒披誠悃仰冒明威冀陰翳之過開
旱陽光之丕煥百里而半九十獲全永路之艱甫田

之取十千迄遂有年之喜

上元祈禳醮疏

歲方更始仰盛德之主生職在長人懼匹夫之失所
輒伸丹悃仰瀆蒼昊其猥以迂愚總司牧養幸千里
粗安於無事而三農共慶於有秋俾吏責之少寬荷
神休之罔極屬上元之錫福為下土以祈恩爰被公
堂恭陳法醮冀垂皇鑒加憫蒼生幹元化以調雨暘
敷至和而除疾癘祝融息警各安棟宇之居風伯戢
威咸適帆樯之便勤拳有禱孚格是期

東嶽祈雨疏文

伏以温陵在昔僉曰樂郊歷載于茲浸非舊觀蓋生
齒蕃而可耕之土狹故良農寡而逐末之俗成政使
有秋尚虞之食况下溼之地甫以澇聞而高邛之田
今復旱告儻遂失嘉穀收成之望將立見細民枵瘠
之憂蚤夜以思寢食幾廢仰惟靈嶽俯庇群方願推
造化之仁曲軫生靈之命興油雲於膚寸決膏澤於
邇遐嘉與邦人共霑德施

開元寺祈雨疏

伏以嘉穀方華甘霖未決屬茲蒞事之始尤深艱食
之虞當及是時蚤為之計是用瀝丹誠而有請冀皇
覺之垂慈憫此邦新罹洪水之菑而今者復苦驟
之虐大霈及時之澤以成登稼之功一飽有期民相
安於鼓腹百廢具舉吏亦得以究心矢言弗諉願佛
昭鑒

諸廟疏

某叨綰郡符蒞事伊始周視原野黍稷方華而其靈
愆期人情狼顧近雖一雨而高邛之地猶有可憂惟
神廟食此邦同民休戚願霈三日之霖以遂有秋則
某始得以究心摩撫維吏與民均沐大賜再拜以請
神其聽之

張大帝廟疏

某頃在江東凡弭菑林患之事一惟明神是賴神亦
鑑其微誠其應如響竭來此邦適以旱告奔走群祀
僅獲一雨而高邛之地猶有可憂方特設神之位以
致懇祈乃有以東湖之祠告者踴躍欣幸而今而後
得赴懇之所矣敬持瓣香俯伏以請惟誠察其歸仰
之素閱其憂勞之切丕降膏澤俾克有年豈惟不肖
之責藉以少寬民亦永永事神無怠

安奉清水疏

以維盛夏實司長養久對井霖與此邦有大因緣
莫如清水肆迎法馭來駐梵宮昔混迹世間不憚
身而救旱今遊神天上豈難翻手以為雲願垂慈闔
之仁亟降滂沱之澤與情共矚響應是期

安奉諸佛疏

伏以服田力穡誰無望歲之懷閔雨為民尤重承流
之責既靡神而不舉捨我佛以時依方伸迎奉之恭
遽沐感通之速興慈雲於瞬息之頃莫測我神霈惠
澤於枯槁之餘悉霑法施然而滂漉之恩雖廣旱乾
之患已深更冀寬慈亟終大賜俾獲有秋之願敢忘
善救之仁

送諸佛歸山疏

伏以慈悲救物我佛願心早暎為災斯民何罪控忱
辭而有請勞法馭以來臨一雨霑濡四野膏沃幸少
慰雲霓之望其敢稽龍象之留飛錫浮盃雖去來之
無迹驅雷叱電尚浹洽之有期

東嶽清源洞寺觀祈晴疏

嘉澤以時實謂豐年之兆良苗方穗又虞積潦之傷
忝任撫摩交深喜懼矧月逾既望正潮汐之轟怒儻
雨不亟晴將田疇之冒沒輒殫誠款祇扣嶽洞聖靈
寺觀慈仁昭揭陽烏端臻開霽指危河伯毋使沸騰

迄成登稔之功宜荷龐鴻之施

東嶽疏語

親闈奄弃悵懿範之莫追靈視來歸即私連而暫駐
慶大邑浩穰之地當亢陽乾燥之時每終夕以深憂
恐融風之易扇敬慮危懇仰瀆聖聰果蒙覆燾之仁
遂免鬱攸之警迨既即安於吉壤亟圖展謝於殊連
屬以抱疴幾成廢禮惟至明之無外察愚悃之不恭
寬其逋慢之誅賜以存全之慶

告斗卜地疏語

伏以罔極恩深莫效劬勞之報送終事重方求宅兆

之安雖博訪於名山猶未諧於吉卜念造化機緘之
至妙豈凡庸心目之可窺是用瞻斗極以輸誠瀝肺
肝而控請願垂矜憫顯發秘藏山水滌回兼備冲和
之氣子孫昌熾永為忠孝之家

南嶽正廟疏文

癸未春初
五潭州

天下之嶽凡五封守各殊南方以衡為宗威神最盛
矧國家素嚴於尊事豈臣子可怠於欽承顧惟草芥
之微繆玷藩垣之重倣開幕府方祇畏於簡書逖望
靈宮未克伸於謁拜謹憑椽吏虔奉辦香仍省眠於
山牀且幾呵於樵牧輒抒忱懇日徹聖聰載念三湘

諸鎮然而土田多瘠野無盡力之農三湘
里之厚儲之室杼柚空於科率擾鉏習於鬪爭臣猥
以凡材驟茲臨長攸攸訪問冀利病之獲聞汲汲拊
摩若恫瘝之在已顧人力易窮於有限惟神功獨妙
於難名仰覬深仁俯矜凋俗雨暘叶序俾克膺庾之
藏田里莫居永息鼓桴之警庶民生之各遂亦吏責
之少寬稽首投誠鞠躬望賜

天慶觀等處祈晴疏文

春而多雨本非厭數之時職在長民當軫深長之慮
蓋氣數乘除之可畏而陰陽偏勝則為菑况是良農

日期登麥至於紅女尤急條桑儻積勞之相仍懼全
功之或失雖有心於閭俗愧無術以召和爰遣屬僚
控陳忱悃冀慈仁之垂憫俾昏翳之端開霽景熙陽
亟改崇朝之觀其滋美澤留為後日之儲庶二氣之
均調斯百嘉之蕃庶控誠以請從欲是求

仰山靈濟王生辰疏

伏以聖靈挺出本太極之同初世俗相傳乃誕辰之
有紀雖變化莫窺其妙用然依歸可驗於衆心蓋以
事親之誠寓諸獻壽之禮幽明雖異爰敬則同其繆
川壽密依神庇循此年之彞則演大法於真乘仰

冀弘慈俯垂鑒相五風十雨永銷乾溢之虞三柏九
疑共洽和平之化

天慶觀等處祈雨疏文

十七日祈
十八日雨

伏以農家占歲常取決於分龍郡守憂民敢先期而
請雨念此湖湘之凋俗異乎江淞之樂郊縱遇豐年
猶多愁嘆雖名匠室類乏蓋藏苟惟一穀之弗登立
見群生之告瘁撫摩是任休戚寔同輒豫控於微衷
冀曲垂於大造寸雲觸石頓收炎赫之威三日為霖
丕降沾濡之澤迄成一稔用弭百憂

天慶觀等處謝雨疏文

伏以節名龍會實惟望雨之誠職忝虎符亟致籲天之請荷共慈之易感俾其霑之隨霑雖未臻三日之霖亦少蘇五月之暑其為訢戴實倍故常然壬戌之朝欲雨而遽晴甲子之晝既晴而復雨繇稅政之多有且愚誠之未孚竊自省循敢忘祇懼願言大造加惠小民潛銷乾溢之虞迄畀豐穰之慶二十二日謝雨至次日巳午而後止人謂二十五日正分龍日也

天慶觀等處祈晴疏文

伏以萬民之所資者食六月之雨嘗著于經方竊幸
應期可遂憂其過度蓋長沙之早濕自昔禱傳儻

積潦之霖滂寔民之病疴平疇之緝錯有多稼之

連數日以頃正切良農之望垂成而毀必非造物之

心佛曰大覺輒控忱辭冒干穹聽冀慈仁之深軫俾陰翳

之端開霽景熙暘亟改崇朝之觀其滋美澤留為後

日之儲奔走有祈敬共以俟

天慶觀等處謝晴疏文

伏以分龍甫屆既崇雨而雨隨鳴鶴弗休復謁晴而晴應繇浩浩至仁之易感豈區區涼德之敢期仰戴殊恩亟伸祇謝惟憂民之誠切故望賜之日長願言七八月之間時霑嘉澤庶俾千萬人之聚共樂豐年

天慶觀等處祈雨疏文

伏以億萬人之生惟食是仰七八月之旱從古所憂
粵繇邇日以來頗愆時雨之潤雖早稻已臻於收穫
而晚苗正急於沾濡得之則生若嬰兒之需乳哺閔
焉以望甚暘暑之待壺漿敢瀝衷忱仰干聖造寸雲
觸石冀倏變於陰威三日為霖俾均霑於膏澤庶遂
豐穰之願敢忘覆燾之恩

天慶觀等處祈雨疏文

伏以允離異治最忌相干雨暘以時尤虞偏勝自履
素商之序浸愆嘉澤之期比雖霖沐之屢沾猶警

沲之未應高原下隰政深涸竭之憂炎日燥風又極
蘊隆之虐誰謂九秋之半迺如三伏之中某職在牧
民心勤望歲愧亡善政可召陰陽之和嘿訟多愆殆
忘寢食之節輒殫忱懇洊扣隆慈霈然三日之霖滌
茲千里之旱苟有衆安生之可望雖以身塞咎而敢
辭瀝悃投誠鞠躬聽命某無任

迎東明觀音及諸龍湫水齋疏

繆政干和盍正守臣之罰亢暘為沴迺貽農畝之憂
念拯救之無階亟奉迎而有禱惟慈悲廣大莫如諸
佛而變化迅速莫如群龍既來會於一堂諒垂憐於

百姓興雲致雨特顧盼之可為飛電奔霆惟指麾之
所向忍閔神功而弗露坐觀妖魃之肆行今則埤未
鶴鳴田將龜圻儻數日之間尚遲霑洽則一年之計
遂墮渺茫願哀斯民亟霈之澤灑楊枝之露瞬息十
方散天瓢之泉涓滴萬里偃躬以俟從欲是期

奉送神佐聖水疏

慈悲廣大莫如諸佛之尊變化飛騰莫若神龍之妙
比以亢暘之沴凜乎害稼之憂奉瑞像以來臨叩靈
湫而遍請果蒙矜憫俯賜感通油雲密布於九霄膏
雨沛然於萬壑上為亦祈來易名三日以謹為霖

願玉臻於霑足八政之一曰食庶獲遂於豐穰仰
隆私敢忘昭報

祈晴疏 九月

民之可憫無若良農物之難成莫如嘉穀今歲將大
熟而雨則過多人皆相顧以隱憂天獨何心而弗揀
繇始耕以至今日不知幾朝夕之功轉積潦而為疇
空特出一咄嗟之力寺改持出為願賜在化工而甚易幸慈
憫之亟施寺云庶收成之不瀝悃以祈得請乃已其
無任激切懇禱之至

謝南嶽行宮等處疏文

荆楚之郊繆塵委寄黔巫之地實在統臨繇郤政之
靡臧致戎行之弗靖初喧詼於官府繼剽掠於民居
自郵報之蜚馳姑權宜而撫定載念國家之制濶豈
容卒伍之亂常期亟正於典刑遂密加於規畫顧人
謀之難恃惟神理之可憑輒控忱祈南嶽云果蒙宏
造佑聖云果形
兆首正鯨鯢之戮盡空狐鼠之妖軍律頓張物情胥
快匪惟四境獲全有衆之生抑俾庶邦潜弭未形之
患粗塞曠瘵之責悉繇覆露之恩爰卜良辰敬伸謝
悃尚靳蔭佑永底奠安臣無任激切感荷之至謹疏

天慶觀等處謝雪疏文

伏以冬者四時之畢實兆來年雪為五穀之精
嘉應方消辰而致禱俄飛霰之效祥茫乎宇宙之間
恍若瓊瑤之飾仰神功之至妙佩恩施之何窮輒露
寸丹上瀆穹窿之聽更斬三白益昭豐稔之符臣無
任激切懇禱之至

天慶觀等處祈晴疏文

好雨知時豈其所厭沉陰過度則有可憂蓋惟艱莫
甚於農功而至重無逾於蠶事稗苗之出既欲煖而
惡寒柔桑之求又喜乾而畏濕儻二者或乖其所望
則萬民何恃以為生况穀價之未平而物情之方鬱

復又罹於霖滂宜愈重於歎愁或
在撫摩心如焦灼
佛云竭丹誠而控懇冀洪造
佛云之垂憐麗日冲融
煥晴光於甲子惠風和暢回淑景於莫春庶開樂歲
之祥實慰函生之願

謝晴疏文

春無幾何正田家之作苦雨非所厭懼寒氣之過期
亟奔走以控誠荷慈憐之從欲開麗景於崇朝之頃
轉疑陰為三月之和新秧之出如針且將頓長大爾
之成若甕抑又可期矧當甲子之時實兆豐年之慶
用伸祇謝併露忱祈言念細民方茲艱食蓋以豪強

之年利居然睥睨以竦時惟氣令弗行慮有必
望斯蓋藏畢出入無貴糴之憂仰觀穹昊
佛曰憐
凋俗曰暘曰雨俾永臻時若之休若富若貧庶咸遂
安居之願臣無任

禱雨疏文

民之為生莫先於足食雨以潤物尤貴於及時况甫
更芒種之期且將屆分龍之日必梅霖專澤相望彌
月之間斯穡寶懷新可必豐年之望此農畝推占之
常驗而守臣傾俸之至情爰詣殊連僭干大造自今
以迄夏至願數霑優渥之仁指日以俟秋成庶少蘇

凋瘵之俗

謝雨疏文

時方仰雨寔豐稔之攸占志切念民豈禱求之敢後
荷至仁之易感俾嘉應之亟隨始沾濡於芒種之辰
旋雩靈於會龍之日破鉅室閉藏之吝慰良農頓後
之勤仰戴天恩俯從人欲用嚴祇謝併控忱祈蓋嘉
穀之方苗正資蔭潤猶嬰兒之得乳迺克生全矧是
窮昨又茲艱食共靳一稔以解倒垂雨施雲行時賜
豐腴之澤家給人足永銷愁嘆之聲

祈雨疏文

民既病而後憂孰若輕憂於將至旱為甚而有神
如致禱於未然曉言龍會之期方極鶴鳴之喜甫逾
旬而弗繼已望雨之至深蓋方烈日之如焚重以炎
風之交煽故雖平壤僅存膚寸之滋矧在高原且如
卦兆之坼念群生之久瘁賴一稔以少瘳儻登場之
望少愆則擠壑之虞立見用披丹悃虔扣鴻慈三日
為霖願崇朝之亟應烝民乃粒庶一飽之可期

南嶽正殿祈雨疏文

亢旱將成竊懷憂於農畝至仁可籲敢歸命於帝庭
睠是窮昨又茲艱食斗升之價既方踊而未平倉庾

之儲又所餘之寧幾惟蘄一稔以解百憂顧嘉穀之
方苗乃驕陽之甚熾間雖沾灑寧敵敵炎儻歲事之
或傷則民生其安仰延瞻靈嶽披瀝丹粟伏願興祝
融之寸雲敷為六合之蔭灑雷池之勺水大作三日
之霖使生靈之命獲全則覆幬之恩何極控誠以告
得請是期

南嶽正殿疏文

歲事是祈方苦赫赫炎官之虐聖靈可怙孰如巍巍
神嶽之尊比檄尉曹恭趨帝闕慮悃誠之未徹復簿
正之遺行蓋驕陽愈熾於中天而亢旱有加於前日

其為望賜殆甚棟焚惟帝至仁察臣忱請興寸雲
勢六合之蔭散勺水而為三日之霖用昭響答之恩
庶解倒垂之急

祈雨疏文

佛力無邊能救大地衆生之苦龍神至妙實司上天
利澤之權迺騰此邦適罹亢旱念孰極煥焚之厄爰
並伸迎奉之恭蓋佛之為佛與天心相為貫通而龍
之為龍於佛法最為欽重願同垂於矜惻亟共濟於
焦枯大興慈雲丕降法雨示剎那頃神通之廣大全
億萬人性命於臨危疾首痛心虔訂慈悲之施剗肝

歷血敢陳迫切之詞

離明殿奉安疏

煌煌執法之星最尊列曜奕奕明離之殿近在殊庭
顧久虧繕治之功懼莫稱欽崇之意既庀工而告畢
爰取日以奉安載念此邦適罹亢旱良苗方茂既憂
井霍之不時列棟相望復慮融風之易煽敢將丹悃
虔敬鴻慈願推覆燾之仁潛弭赫炎之氣豐隆專蔭
大為三日之霖回祿收威永熄一方之警

太乙殿醮疏文

元陽為沴懼莫保於豐穰群望遍祠迄未霑於潤澤

瞻言淨宇夙奉高真既此邦蒙福之孔多且徃歲致
祈之亟效爰肅陳於清醮用披瀝於丹衷蓋難安者
田里之情而易動者湖湘之俗連年獲稔猶或歎咨
一旦告饑將奚拯拯仰冀高明之監俯推覆育之仁
霈三日之霖盡甦嘉穀全萬民之命永載鴻恩

送諸佛諸神諸龍疏

七月初四日

集神靈而求潤澤庶有感之必通舍清淨而就囂塵
或又虞於肅洎良辰而敬餞即邃宇以虔祈嗟乾亢
之已深非滂沱而莫濟興寸雲於衡麓倏遍九天祀
勺水於洞庭遂挾千里在衆聖斡旋之甚易尤群龍

嗷吸之所能願體上帝好生之仁以拯下民垂死之厄不勝忱扣仰冀矜從某無任

東明疏 同前

旱魃如熒焚嗟損傷之已甚觀音妙智力欲拯濟以奚難顧久駐於公庭乃未均於惠澤竊意即驚塵之地不如還清淨之居挹玉甃之寒泉洎滴能蘇於千里灑楊枝之甘露頃臯遂遍於九天願興一念之慈憐速救萬民之苦惱某無任

湘山疏

直上天闕曾見零陵之夢兆能蘇旱歲具存王氏之

誌文顧靈蹟之甚彰實湘人之共敬茲仰迎奉度之
躬祈何久駐於公庭乃未均於惠澤竊意即囂塵之
地不如還清淨之居大雄大力大慈悲願軫群黎之
苦惱既優既渥既霑足亟蘇千里之歎愁控誠以求
得請乃已某無任

南嶽諸處祈雨疏文

旱魃為虐將貽卒歲之凶昊天曰明爰軫斯民之苦
屢錫霏微之潤少寬枯槁之憂仰載恩憐不勝感涕
顧乾亢之期已久而涵濡之澤未深時節侵尋事勢
迫切儻其霖即沛則蚤稼猶不盡傷若畏景彌驕則

晚苗亦將告瘁此歲功豐歎之決實民命存亡之分
敢游扣於鴻慈願嘿回於妙造先立秋之氣至俾大
雨之時行庶俾億萬人之生有以自活若時二千石
之筆則不敢辭臣某無任

天慶觀等處祈雨三清殿疏文

寶穡將成適苦旱乾之虐璇穹非遠屢殫哀籲之誠
荷大造之好生拯細民於垂死粵繇癸卯以洎甲辰
倏興觸石之雲旋沛傾盆之雨昔焉龜坼之壤今遂
沾濡向者狼顧之氓莫不訢喜粟直之騰邊損稻苗
之瘁頓蘇仰戴隆恩敢稽祇謝顧赫炎之尚熾而滲

漉之未深矧當立秋處暑之間正需時澤願下屏
豐隆之敕亟運神功俾膏液之滂流庶良疇之充足
迄成一稔用濟群生臣無任

天慶觀諸處祈雨疏文

歲其有矣日需收歛之期雨以潤之迺曠沾濡之澤
念早稼既傷於夏早賴晚苗可冀於秋成庶償南畝
之勞且補東隅之失忽兼旬而愆亢極中夜以憂思
爰瀝忱詞仰干大造願軫困窮之苦亟垂溥博之恩
白水盈疇式慰下民之望黃雲被野迄全上熟之功

嶽洞寺觀謝晴疏

大田多稼幸一稔之可期淫雨害苗乃連朝而屢作
亟輸危懼遽荷深慈回大造於杳冥之中劃重陰於
呼吸之頃坐免橫流之患益昭善利之仁假守何能
唯虔依於化育真誠有請願迄昇於豐穰寺改大造
作妙造橫流作洪流善利之仁作慧日之光化育作
法施豐穰作豐年嶽觀改善利作徧覆


保安赦至告白 聖祖殿疏文

聖主御圖甫越三十年之久宸衷念治每勤一二日
之幾積煩聽覽之勞致爽起居之節雖天人信順咄
當即獲於清安而臣子忠孝之心自不勝其迫切用

嚴精禱式迓殊休仰祈善應之仁亟臻勿藥之喜皇
極五福永綿寶歷之期長沙一星益煥璇穹之照

南北井 翠峯疏

伏以蕉峯萬仞之山上摩層漢靈湫一勺之水中
有神龍靜而淵潛所以存身動而天飛則能濟物合乾
道變化之妙猶聖人出處之時顧念此邦久罹亢旱
爰協心而控請願驤首以出游浮雲瀚興大雨霽
三秋萬頃獲為中熟之年百姓群黎共荷更生之造



山先生真文忠公文集五十卷

Vertical columns of text, likely a table of contents or index, with some characters appearing to be in seal script or a highly stylized form. The text is arranged in several columns within a rectangular border.

